

醫

學

集

要

四

R24

2572

責任編輯：劉從明

图书在版编目 (CIP) 数据

医学集要/ (清) 朱凤台纂. - 北京: 中医古籍出版社,
2005.10

(中医古籍孤本大全)

ISBN 7-80174-381-4

I. 医... II. 朱... III. 中医学临床-中国-清代
IV. R24

中国版本图书馆 CIP 数据核字 (2005) 第 107171 号

浙江中医学院图书馆供书

中醫古籍孤本大全

醫學集要

原著 清·朱鳳臺

選編 薛清錄 劉國正

出版發行 中醫古籍出版社

北京市東直門內南小街十六號 郵編 100070

杭州蕭山古籍印務有限公司

版次 二〇〇五年十月第一版第一次印刷

印數 二百五十套

書號 ISBN 7-80174-381-4/R·380

定價 七二〇圓

醫學集要目錄

通州盧恆胤龍孫父

武進金

敞廓明父

靖江朱 易闇卿父

靖江

朱鳳台慎人父全纂

海門丁元弼右升父

朱 鈺肅瞻父

卷一

診候大要論

脉大病進脉數氣耗陰虧

各脉體狀

論脉理精微須得其要

治神論

大氣載形論

陰陽要妙論

表裏虛實大法

益火之原壯水之主

少火之氣壯壯火之氣衰

不睡繫肝論

養肝論

論三焦部分

補劑宜緩論

正治反治論

痛無補法辯

下元生氣論

陰虛生內熱辯

諸鬱症當調氣論

補益論

寒涼禁久服論

生氣之原

傷寒源流

發熱辯

卷二

論風氣將護大法

論卒中風氣痰火等症急救法

論卒中多主於虛不可槩作風治

辯偏風偏枯半身不遂痿痺症治

痺症與偏風偏枯同類惟痛與麻稍別

瘋症七科

七孔損傷根源論

禁忌論

庸醫誤治論

必用之藥
七孔損傷因病用藥

耳聾屬腎虛
眼瞎知心病

鼻塞知肺病
眉落知肝病

牙落是腎及大腸病
筋縮骨斷是髓病

鼻隆是肺脾三焦病
口歪乃肝及膀胱病

聲啞是心脾胃病
大痲瘋

爛痲瘋
雲頭瘋

螞蟻布陣瘋
馬來瘋

剪指瘋

麻上麻下瘋

卷三

暑天乘涼鬱遏衛氣論

氣虛中暑昏仆不可作風痰症治論

暑月過食生冷內傷症治論

清暑益氣等方及驗案

外感風寒內傷冷熱咳嗽

論真臟受傷咳嗽
論嗽分臟腑

治嗽不用人參辯
寒痰爲嗽用附子例

各方及驗案
脾胃

眩暈
肺癰因治嗽過用峻藥

濕症總論併方
飜胃驗案各方

膈氣嘔吐總論併方
治瘧宜固衛氣論併方

霍亂
嘔吐

論瀉有標症真臟症案驗併方

治痢要法論併方

卷四

論喘症不同

論水喘

喘脹標本論

諸脹滿分寒熱

附治腫方

諸氣症治論

治痰之本論

痞

三消大要論

渴服八味丸議

腰痛

脇痛

腹痛

心脾痛治法不同論

欬逆

發熱

論疝症多因於勞怒

卷五

頭痛有五候不可偏歸之熱論

五勞七傷論

火乘金候土為金丹論

論血症論

血症分寒熱論

遺精

痺痛

五疸

發沙

大小便

赤白濁

卷六

傷寒論

傷寒死症併脉

傷寒脉法

辯六經形證

辯可發汗

辯不可汗

辯可下

辯不可下

辯可吐

辯不可吐

辯可溫

辯不可溫

辯內傷外感

辯太陽脉似少陰

辯少陰證似太陽

辯合病併病

辯兩感症

辯陰陽二厥

辯三陰無傳經

辯傳足不傳手經謬論

辯目

察舌

察大小便通利

察病人心胸有無痛處

察渴與不渴

用藥要訣

各項證併方

婦科卷七

婦科總論

婦人脉法

月經

血崩

帶下

胎前

惡阻

胎痛

胎漏

胎動

子煩

子癎

子腫

子懸

子氣

子淋

轉胞

安胎

難產

死胎

臨產

血暈

惡露

產後

小兒卷八

提綱

急驚

慢驚

疳疾

諸熱

感冒

傷食

腹脹

嘔吐

泄瀉

吐瀉

痢疾

瘧疾

咳嗽

喘急

走馬牙疳

母毒

喉痺

尿濁

下淋

大小便

水腫

黃疸

腦疽

奶癬

口疳

追蟲

通用

外科卷九

盲歸七條

癰疽脉法

腫瘍要法

癰疽源論

辯淺深

辯虛實

固本

不可妄下

陽氣脫陷

分經用藥

腫瘍

潰瘍

內消

內托

止痛

生肌

別五善七惡

辯陰陽治法難易

壞症治法

提綱

足太陽膀胱經

上下搭

對口枕癱

足少陰腎經

喉癱

便毒

重舌

癩瘡

手厥陰心胞絡經

瘡癰

手少陽三焦經

結核瘤氣

足小腸膽經

足厥陰肝經

手太陰肺經

手陽明腸經

足陽明胃經

足太陰脾經

手少陰心經

手太陽小腸經

膏藥四種

靈藥

陰疽

癰疽兼外感內傷

患毒兼別症

疔瘡

流注

懸癰

乳岩

腸癰

眼疾

蛇咬

疝瘡

喉蛾

臘梨

下部酸痛

楊梅瘡

爛瘡

魚鱗瘡

瘰癧

割瘡

瘰癧瘰癧

香藥

瘰癧瘰癧

年久

瘰癧瘰癧

及

瘰癧瘰癧

醫學集要 卷之七

靖江朱鳳台慎人甫訂定 男廷密近宸甫對讀

婦科總論

婦室一科。自邯鄲而後有濮陽李師聖施郭稽古產
論二十一篇。世所共尊。惜乎產前則無方。至巢氏病
源證雖詳而方不具。太平聖惠方雖有而雜見。外此
則未有聞也。史所載錄婦人嬰兒十九卷。楊氏產乳
集驗三卷。皆有錄無書。顧人生疾病殊科。而婦人所

患較之男子不啻倍蓰。矧胎產前後防閑不密。調治失宜。禍在瞬息。則婦人受病且多而難治。况醫之候病止於四術。而切脉爲下。望聞問三事。可施諸丈夫。嬰兒而每窮於女婦。彼朱門艷質。青瑣靜妹。居奧室之中。處帷幔之內。旣不能行望色之神。聽聲之聖。三指之下。所得几許。無已止恃乎問之一端。醫者盡理質問。愚人見所問繁多。以爲醫學不精。往往得藥不信。昔者扁鵲見齊侯之色。尚不能取信。况未之見耶。

則四診之術俱窮。然則操何道而後可。惟有尋繹其源。神明在我而已。凡婦女之性。陰濁勝而陽明微。慈戀愛憎嫉妬憂恚。性情鬱滯。染着堅牢。又不出閫戶。無可遣解。不習詩書。無可寬慰。義命之理。茫然怨尤之心。橫起。或有懷未能暢。遂或有病不可告人。含羞諱疾。積久成鬱。鬱久生火。火賊元氣。元氣消燦。外邪乘虛來犯。病斯成矣。雖現症。卽有百端。惟鬱傷元氣。可一言以蔽之也。至於師尼寡婦。及違時未笄之女。

鬱情尤甚奏効更難苟不繹源達情而徒責諸草木
是以江河填漏卮雖多亦奚以爲今擇婦科之至要
者如經血帶下胎產乳鬱等條分于左以便覽焉

婦人脉法

婦脉之異乎男者止胎前產後經事來往有孕無孕
等外此則俱與男同今採諸名家得心應手之訣以
爲診要

婦人女子尺脉盛而右手大皆其常也若腎脉微瀆

或左手關後尺內脉浮。或肝脉沉急。或尺滑斷絕不
勻。皆經閉不調之候也。脉微弱而濇。年少得之爲無
子。中年得之爲絕產。

三部浮沉正等。按之無絕者。妊也。崔紫虛曰。婦人有
病而無邪脉。此孕非病。所以不月有病。謂經閉。惡心
阻隔飲食。脉來和平是也。尺按之數而旺亦然。左手
尺脉滑實者。男。右手浮滑者。女。經曰。陰搏陽別。謂之
有子。陰搏者。陰脉搏指。全無陽脉。是以內經謂之陰

搏陽別與陽脉分別之意。如有孕而陽脉一至。此胎必旦夕墜矣。總在尺脉看。然而左寸亦要看。滑而微洪者妙。經水不通。脉尺數寸微。其胎已三月也。脉滑重以手按之散者。五月也。右手與左手脉俱大。產二子。孕婦脉弦急。增寒壯熱。唇爪俱青。面黃黑。而尺脉無神。是胎氣損也。當問胎動否。若不動。反覺上攻。搶心悶絕。或下血。當作死胎治。

凡天癸未行之時。屬少陰。既行之後。屬厥陰。凡婦女

病寒及寒熱往來氣滯須問經事若何
產後須問惡露有無及小腹有塊痛否

姪娠或左右脉微弱其胎必墮以氣血無養也屢驗
急宜補養脉弦數太過亦墮火盛也

尺脉常盛滑而流利有神爲胎尺脉濇艱于嗣

一呼一吸脉一至曰離經爲欲產也

難產體寒壯熱舌下脉青黑舌冷子母俱死面赤舌
青母活子死唇舌俱青口出沫子母俱死面青舌赤

母死子活○半產漏下脉小流連者生急疾大數者
死○新產寸口脉洪疾不調者死沉微附骨不絕者
生。妊娠八月欲產脉實大有力弦緊者生沉細者危。
脉細勻易產浮緩氣散難產。

妊娠四月○三部俱滑而疾在左爲男在右爲女遣
向南行從後呼之左迴是男右迴是女。

滑伯仁曰脉者血氣之先也血氣勝則脉勝血氣衰
則脉衰血氣熱則脉數血氣寒則脉遲血氣微則脉

微血氣平則脉治。長人脉長。短人脉短。性急人脉亦急。性緩人脉亦緩。左大順男。右大順女。男子尺脉常弱。女子尺脉常盛。反之者逆。

來月經

經曰。女子二七天癸至。乃天一真陰之癸水。二七陰氣盛。盛則溢泄。又名月水。取月圓則缺之象。陰陽和平則應時。氣血垂戾則改度。故曰血者氣之配。隨氣而行。調經者調其氣。氣順而經自正。先期而行者氣

熱也。法當清之。丹皮、生地、白芍、麥冬、青蒿、香附、丹參、地骨皮之類。後期而行者，血不足也。法當補之。歸脾、八珍之類。將行而痛者，氣滯也。當疎氣和血。芎歸、益母、澤蘭、香附、玄胡索、木香、砂仁、肉桂、陳皮、炮薑之類。來後作痛者，氣血俱虛也。色淡亦屬虛。八珍、歸脾補中益氣選用。錯經妄行者，氣亂也。宜調其氣。紫者氣熱也。黑爲熱甚。涼血和血爲主。凡經水將畢，或正行時，真氣方虧，切忌破氣尅伐。雖

有他症從輕而治乃可。如胃寒有表邪。補中益氣加表藥。如停滯。補中益氣加消導。此妙法也。

凡婦人面色痿黃。四肢怠倦。右寸關脈弦滑無力。是脾胃受虧。食少不能生化氣血。宜補中益氣。脾胃和而經自行。

若軀脂滿閉。脈沉伏。惡心。少食。肉多。色白。人屬痰多。占任血海。所生之血亦少。宜二朮二陳。升柴越鞠。以化痰燥脾。忌用地黃。性滯故也。

素多鬱悒。脉弦數。身潮熱。作痛。兩脇脹。屬鬱悒。是肝燥而不行。宜平肝氣。養肝血。而經自行。

身體瘦弱。兩手脉俱細弱。倦怠。少食。屬氣血兩虛。入珍歸脾主之。

形體漸瘦。消穀善饑。脉數疾。屬胃燥不能生血。宜瀉火。養胃。兼生血。潤燥。

勞心太過。心血耗散。火動於中。心煩驚悸。月事不來。宜安心補血降火。栢子養心丸。或補心丹之類。

陰虛火甚。脉弦數。六味地黃丸。加入參。主之。
大便秘結。小便雖清不利。經水閉絕。右尺洪數。乃下
焦血海乾枯。宜調血潤燥。瀉胞絡中火邪。經自行矣。
忌用通經利藥。

月水閉而飲食形容如故。或惡心阻隔。兩尺有神。此
孕非病。

多身熱身痛。脉濇數。肌膚乾燥不澤。內無嘔脹。此血
枯經閉。宜大補脾胃。以滋化源。血生而經自行。

大病後經閉屬虛。宜補脾養血。元氣復自通。

行經時。浣濯入冷。或食冷物。熱血得寒。凝滯血海之

中。每行經時。腹痛不可忍。宜芎歸、玄胡索、木香、乳沒、

香附、炮薑、肉桂。逐去惡紫血爲佳。不然漸成血瘕。

小腹有塊作痛。時白物下。經水不通。是血瘕。宜逐瘀

補氣。

汚血在血海。必痛。且有形實者。可通。虛者慎之。

多鬱悶。人心下脹。憊不食。經事不調。身痛潮熱。漸變

骨蒸不食。忽寒忽熱。耳下結核。癰瘰。馬刀。形容枯槁。脉弦數。或細數。澹。或沉結。久之變成瘵。益氣養榮湯主之。

經水過期瘦人。由於血少。宜助脾生血。補中益氣湯。加紅花。益母子。肥人。由於氣虛。有痰。六君子。加芎歸。身體羸弱。潮熱。脉細數。月水不通。屬陰虛。血少。陽火旺。火逼水涸。當養血益陰。慎勿以毒藥通之。栢子仁丸。澤蘭丸。妙。

栢子仁丸

栢子仁

炒研

牛膝

酒伴

卷栢

各半兩

澤蘭葉

川續斷

各二

兩

熟地

用生者三兩忌鐵酒蒸搗膏

俱末入地黃膏加蜜丸空

心米飲下三十九

澤蘭湯 治同前

澤蘭

三錢

當歸

酒伴

芍藥

炒各一錢

甘草

五分

水煎服

逍遙散用歸芍白朮白茯苓甘草柴胡乃清肝和血之

劑婦人肝經血分中有風有火妙品加丹皮梔子更

佳。

牛膝散 臨行不利腹痛

牛膝 桂心 赤芍 桃仁 玄胡索 當歸

川芎 木香 牡丹皮

各七錢半

共末每服方寸七空

心溫酒下

五補丸 治婦人室女身體羸弱倦怠少食血海乾

枯經閉不行

熟地 人參 牛膝 白茯苓 地骨皮

各等分

俱末

煉蜜丸每空心溫酒下五十丸

通經丸 治婦人身體健旺月事不通腹痛血瘕

桂心 青皮 大黃炮 乾薑 川椒 川烏

乾漆 當歸 桃仁 莪術各等分 俱末先將四錢

用米醋熬成膏和餘六錢杵勻丸每服二十丸淡

醋湯下加至三十丸溫酒亦可

掌中金丸 血凝經閉下取法

川山甲炮 甘草 苦丁香 苦葶藶 白附子

川椒

猪牙皂角

草烏頭

各三錢

巴豆

一錢

右末生

葱絞汁和丸彈子大綿包一丸納陰中一日即白

二日即赤三日即經神効

加減人參丸

治經脉不利化爲水流走四肢悉皆

腫懣名曰血分其候於水相類不可作水治

人參

當歸

桂心

澤瀉

赤茯苓

白茯苓

瞿麥

各半兩

牛膝

五錢

滑石

三錢研

白朮

土炒五錢

葶藶

炒另研一

錢

俱末煉蜜丸桐子大每服十五丸至二三十丸

止空心米飲下

余按經病大抵肝脾血有餘。四物為主。肝脾血不足。

補中益氣為主。肝脾鬱結。歸脾湯為主。肝經怒火。加

味逍遙散為主。至於臨症通變存乎其人。又不可拘

於此也。

補中益氣湯

六味地黃丸

補心丹

八物湯

六君子湯

益氣養榮湯

四物湯

俱見各症門

血崩

經水妄行如山之崩勢不可遏故曰崩因於氣者逍遙散加參芪王之血熱妄行者宜阿膠白芍丹皮麥冬五味生地柴胡黃芩之類濕熱相搏者升柴二朮

二陳湯加茯苓。汚血阻礙。不得歸經而下者。宜芎歸。
玄胡。蒲黃。乳沒。人參。白朮。白朮。兼養正以消瘀。脾胃
氣虛下陷者。補中益氣湯。加魚膠。五味子。山萸肉。麥
冬。最妙。

丹溪曰。婦人崩中。由臟腑傷損。衝任二脈。血氣俱虛。
乃爾。二脈爲經脈之海。血氣之行。外循經絡。內榮臟
腑。若氣血調適。經下依時。若勞動過極。臟腑俱傷。衝
任虛。不能約制其血。故忽然而下。謂之崩中。暴下治

宜大補氣血。補養脾胃。微加鎮墜。心火之藥。補陰抑陽。經自止矣。

氣盛。左脉弦急。而數。腹脹下多。因於氣也。肝火迫血妄行。宜涼血。地黃滋陰湯主之。

服涼藥過多。抑遏陽氣於血海。諸藥不應。須桂附參芪。大補陽氣。陽氣一升。崩漏自止。

脾氣虛。不能統血。血下陷而崩。補中益氣湯加減。性急多怒。人崩不止。或耳前後脹痛。逍遙散加減。

色欲過多。衝任傷損。亦令淋瀝不止。八物湯主之。
食少。或吐。或瀉。或噉酸。是脾胃弱。或服寒涼所致。六
君子補中益氣歸脾湯選用。

崩且水瀉。是前後二陰之氣下脫也。參朮、芪附、山藥、
扁豆、山萸、五味。佐醋製升麻、柴胡、白芍、大升。太補爲
佳。

悲哀太甚。則胞絡絕。陽氣內動。發則心下崩。四君子、
加升麻、柴胡、山梔。

凡崩下如湧泉。須獨參湯為主。血脫補氣至妙法也。崩下血盡而見滑白之物者。此因血海乾枯虛極所致。獨參湯或救其萬一。

涼血地黃滋陰湯 治暴崩脉數是腎陰虛不能制

胞絡相火火迫血走

生地

錢一

五味子

黃芩

各三分炒

白芍

阿膠

各一錢炒

麥冬

去心

青蒿

丹皮

各八分

柴胡

六分

地骨皮

錢一

歸身

五分

甘草

四分

水煎空心服

參膠湯

治婦人肝脾虛寒陽氣下陷血妄脫者

人參

三錢

魚膠

二錢炒成珠

山茱萸

八分

五味子

六分

熟附

八分

乾薑

炒黑六分

甘草

五分

升麻

五分

水煎服

加味逍遙散

二陳湯

補中益氣湯

俱見各症門

魚膠固本丸

補陽益元湯

當歸附子回陽湯

俱見帶下門

帶下

難經云帶脉起於季脇迴身一週婦人多氣陷下抑
遏或濕熱盛于下焦從帶脉而下故名氣受傷則白
血受傷則赤與男子精滑大同小異

丹溪曰帶下乃胃中濕痰滲入膀胱爲患宜燥中官
之濕升柴二朮二陳湯最妙帶下小腹作痛是鬱
結痰與濁氣也須兼辛散茴香炮薑之類不痛兼辛

涼炒黃栢之類。須斷厚味酒麪煎炒。

肥人多濕痰導痰湯加二朮炒黃栢川芎久而氣虛
倦怠氣口脉虛大加人參芪朮以補氣氣旺而帶下
自止瘦人陰虛火旺六味地黃丸爲佳若久而不止
責之虛熱補中益氣湯。

帶臨月經甚多食少倦怠面黃經中如有血塊者有
如筋膜者宜參朮等大補脾胃爲主。

先崩後帶兩尺極微東垣謂其血少卽亡陽故滑白

之物下流不上。是下焦血海將枯。津液復亡。周身筋膜失養。痛不可當。宜益津液以潤燥。補氣以壯陽。六君八珍。補中益氣。選用。帶下多起於氣鬱。鬱非辛不開。鬱久卽成熱。所以加味道遙散。歸脾湯最宜。

余按血崩帶下之症。起於虛者多。縱有他症。以固本爲主。不可因濕熱之說。輕用利藥。

魚膠固本丸

治婦人身體倦怠。脉微食少。赤白帶。

下并下崩諸症

魚膠

五兩蛤粉炒成珠

山茱萸

酒潤去核二兩

北五味

二兩

棗仁

炒二

兩

茯神

一兩

枸杞

三兩

杜仲

鹽水炒去絲二兩五錢

歸身

酒洗一兩

參

二兩

白芍

炒一兩

懷山藥

炒四兩

白朮

土炒三兩

丹皮

麥冬

二兩

蓮鬚

二兩

芡實

二兩

升麻

醋製五錢

甘草

六錢 共末煉蜜丸每空心米飲下五十九

補陽益元湯

益津生液補氣壯陽

山藥

炒二錢

人參

一錢五分

白芍藥

炒八分

黑薑

二錢

阿膠

一錢

炒成 柴胡 七分 炙甘草 五分 陳皮 八分 山茱萸 一錢 杜仲 二錢

炒去 五味子 八分 熟附 八分 山藥 二錢 茯神 八分 棗仁 一錢

五分 炒研 水煎服

歸附回陽湯 治寒痛臍下赤白帶下血崩不止

人參 五錢 黑薑 各一錢 升麻 五分 當歸 二錢 阿膠 三錢

炒成 黃栢 少許 水煎服

補中益氣湯

六味地黃丸

加味逍遙散

六君子湯

二陳湯

歸脾湯

八珍湯 已上俱見各症門

胎前

二氣交感凝而成胎。一月名始膏。二月名始胚。三月名始胎。當胚膏時真氣方遇。如桃花凝聚。柔脆易壞。

食忌辛辣。恐散其凝結。味稍甘美。欲扶其柔脆。二氣
既凝如泥。在釣如金。在鎔惟陶冶之所成。筋骨臟腑。
皮毛精血。日就月滋。氣足乃生。氣血旺則胎易成。而
無病。氣血弱則胎多病。而難育。方書云。食氣於母。所
以養精。食味於母。所以養形。形精爲滋育。氣味爲本。
故天之五氣。地之五味。母食之。而子又食之。外則充
乎形質。內則滋乎胎氣。母寒亦寒。母熱亦熱。母飽亦
飽。母饑亦饑。皆因虛而感。隨感而變。膏粱之家。恣口

腹逞怒慾。飲食七情之火。鍾之於內。胎氣受之。怯者
卽變諸病。壯者毒不卽發。而痘疹瘡驚。遺禍於後。是
胎元以脾胃飲食爲本。故孕婦以脾胃氣血爲要。如
或飲食不節。七情內傷。脾胃受虧。氣血漸耗。則痰火
必熾。而惡阻癰腫等病作矣。胎教之說。豈可忽哉。

惡阻

孕婦二三月。惡心而阻。隔飲食是也。亦有六七月尚
病嘔者。治同。宜二陳、加白朮、黃芩、砂仁、竹茹。脾胃虛

弱加人參主之。

胎痛

不時作痛。或小腹重墜。名胎痛。宜熟地三錢、當歸一錢、煎服不應。加參朮陳皮。因氣者加砂仁。因中氣虛下墜而作痛者。補中益氣湯。

胎漏

壯實人兩手脈和平。飲食如故。而經時下。宜和血涼血。健脾為主。佛手散。加黃芩、白朮、不已。加阿膠去血。

多入珍湯、加膠艾、身弱脾倦而經時下者、補中益氣湯爲主。

有大怒傷肝而動血者、佛手散、加炒梔子、白芍藥、佛手散、治胎動、服之卽安、胎損、服之卽下。

當歸

川芎

各五錢

水酒煎服

胎動

下血腹痛、是胎動欲墜也、宜行氣安胎、佛手散、加砂仁、脉大有火、加芩朮。

子煩

心中煩懣不寧、由於心虛、有火、宜麥冬、黃芩、白茯苓

葉之類主之、

子癇

孕婦痰涎壅塞、或時發搐、不省人事、名曰子癇、多因

於氣、不可作風治、宜二陳、加芩、朮、砂、仁、川芎、當歸、痰

甚、加薑汁、竹瀝、

子腫

面目虛浮、四肢作腫、皆脾虛不運、清濁不分所致、宜多用參朮以補脾、脾健而腫自消。

子懸

胎氣不和、上湊脹腹滿、是濁氣舉胎而上湊也。宜蘇梗、枳殼、芎歸、白芍、砂仁、苓朮、以降濁安胎。

子氣

三月已後、兩足浮腫、行步艱難、食不甘、且喘、狀如水氣、名子氣。此因脾虛下陷、宜健脾養血。參朮、苓、芍、芎。

歸陳皮爲主。

子淋

月少小便淋痛名子淋屬火解熱利小便山梔茯苓條芩麥冬知母燈心車前澤瀉爲主。

轉胞

六月已後覺胎墜一邊小水不通名轉胞宜二陳加升柴芎歸苓朮煎服探吐以提其氣胎一上行小水卽利吐後須參芪大補。

安胎

氣血旺脾胃和胎自無虞。若飲食不節起居不時。其胎卽墜。以胎元全賴氣血以養。氣血又藉脾胃飲食而生。如胎婦脾胃不和。食不甘美。急宜調補脾胃。雖有他症。以未治之。然不可過於辛熱。宜清涼疎利爲主。丹溪曰。因火動胎。逆上作脹者。急用條芩白朮香附之類。俗以黃芩爲寒而不用。反謂溫熱養胎。不知人之懷孕如鐘懸在梁。梁軟則鐘墜。用白朮益脾以

培萬物之母。條芩固中氣。瀉火能滋子戶之陰。使火不妄動。與利除害其胎自安。故爲安胎聖藥。胎宜清涼。最喜疎利。縮砂安胎。以其止痛行氣故耳。勞神動怒。情慾之火。俱能墜胎。推其本原。皆因熱火能消物。造化自然之理。古謂風冷傷子宮而墜。未達病情者也。如慣墜之婦。或中氣不調。食少且不必養血。先理脾胃。脾胃旺而氣血自生。氣血生而胎自不墜。胎每在三月分而墜者。爾時手厥陰心胞絡主胎勞。

心多慮。心胞絡虛。不能養胎。則墜。宜養血制火。四物、加炒黃柏、玄參、白朮、條芩。

左脉微弱。腰痛。胎不安。屬血虛。四物、加杜仲、芩朮。

右脉寸關大而無力。倦怠懶於言動。屬氣虛。補中益氣、加山藥、杜仲、條芩。兩手脉俱弱。胎常墜。屬氣血虛。八珍、加山藥、杜仲、續斷、芩朮。

若前次三月而墜。後次必如期。蓋先於此時受傷。故後期必應乘其虛也。必多服調補血氣之劑。始免後

患

固胎散

能養血益氣健脾清火

當歸酒洗 熟地各三錢 白芍炒二錢 川芎一錢 人參二錢 白朮

甘草五分 條芩八分 見血不安加阿膠痛而氣

滯者加砂仁水煎服

束胎丸

七月後服

黃芩

酒洗夏一兩秋七錢冬五錢

茯苓

七錢五分

白朮

二兩土炒

陳皮

三兩

右為末粥丸每服錢半

東胎散 妊娠臨月服之易產

人參 陳皮 各五分 白朮 土炒 白芍 炒各一錢 當歸 全用一錢 甘草

草 炙二錢 紫蘇 五分 大腹皮 三錢 水煎服

保生無憂散 臨產服之易生兼治小產瘀血腹痛

木香 當歸 川芎 白芍 枳殼 乳香

血餘 洗淨 各等分水煎日二服

安胎散 孕婦宜常服

人參 一錢 白朮 土炒二錢 條芩 炒八分 砂仁 一分 白芍 一錢

陳皮八分當歸八分甘草五分川芎四分水煎服

氣血虛者多小產。如用安胎之藥，不住下漿，血多，腰痛甚者，是欲下也。急投益母草、製香附、芎歸、紅花、陳皮煎服。

偶因跌撲，其胎不動而痛，急煎芎歸湯服。服後痛止，覺動胎尚無恙，苦痛不止，更增寒發熱戰慄，是胎已死，急催下取出。

孕婦忽發寒熱，不可妄指為外感，而用表藥。當問其

胎動否。痢疾裏急後重。用蘇梗、杏仁、枳殼、戒檳榔。其
小產惡露多於正生。如胎雖下不可便睡倒。俟惡露
淨方可睡下。多飲童便爲上。
惡露不淨。腹痛。芎歸、玄胡、蒲黃、紅花、益母、澤蘭、陳皮、
煎成。加童便服。

去血過多。昏悶身冷。或身熱。脉大無力。獨參湯。加蘇
木童便。

小產因脾氣素虧而致。產後益弱。較大生更宜調節。

飲食不可驟用肉食。慎之。

小產氣血虛。下血不止。人參黃芪湯主之。

人參 黃芪炙 當歸 白朮炒 白芍炒 艾葉各一錢

煎阿膠炒二錢 水煎服

難產 并催生法

難產。悉是平時不善調攝。飲食不節。氣惱過度。或七八月上犯淫。以致氣血虧損。汚濁凝滯。不得清順。而轉達下也。然中流之失。須預為之防。大率以順氣和

血爲主。漿水乾而不下。兼滋潤。汚瘀阻礙者。兼逐瘀。又不可催藥太早。如果漿水下多。其胎陷下。不得出。方可下手。

催生當以芎歸爲主。加益母、滑石、牛膝、葵子、乳香等煎服。切不可輕用水銀、大黃等猛劑。

三合濟生湯。治難產。一二日不下。服此自然轉動。

下生

川芎 二錢
當歸 三錢
粉草 七分
香附
蘇葉
腹皮 各錢半

枳殼麩炒水煎服

催生柞木飲 治難產死胎

大柞木枝一大握長一尺洗淨寸挫甘草大者五寸作五段新汲水三

碗煎一碗難產心下脹飲一盞便覺豁然如覺饑

渴再與一盞至三四盞覺下墜便生

兔腦催生丸 治難產或橫或逆

十二月兔腦去皮膜乳香另研極細錢半母丁香末一錢麝

二分半右三味拌勻以免腦和丸鷄豆大陰乾油

醫學集要 婦科 五

紙裏每服一丸溫水下

胞破久而不下。其氣已耗。或元氣困憊。急煎八珍湯服。妙甚。

漿竭而不下。香油、白蜜、小便各半盞和勻。加益母煎濃湯服。

死胎

胎死腹中。婦人指甲舌青。作寒熱。或上搶心悶絕。自汗。喘滿不食。二日漿水已盡。不得下。先用佛手散。加

益母、葵子、牡丹皮、桂心等煎服。不應，用當歸二錢、川芎一錢五分、朴硝、牛膝各五錢、滑石三錢，研煎服。卽下。

漿盡不得下，用猪油、蜜酒三味，各三碗，熬碗半，分二次緩緩服。

身重，作寒熱，舌下青黑，其胎已死。

面赤舌青，子死母活。

面舌俱青，口中出沫，子母俱死。

面以候母，舌以候

子、

黑神散 產經日不下、胎死腹中、舌青面白、脉沉小、

時值寒月、宜此、暑月禁用、胎衣不下亦効、

熟地 炒蒲黃 炒里乾薑 當歸 白芍 桂

心 各二兩 甘草 炙 黑豆 炒 右共為末每服二錢童便

和酒下

牛膝湯 治胎衣不下、臍腹堅脹急痛、勢危迫者服

此胎即爛下死胎亦可

牛膝

瞿麥

各四兩

當歸

三兩

通草

六兩

滑石

八兩

葵子

五兩

水九碗煎三碗分三次服

若臍帶頭在外切須以帛條繫緊不遜則污血流入胞中難下矣

兒一下時急挈緊臍勿驟剪斷胞下乃可剪

氣弱不能送出無憂散妙

交骨不開陰門不閉子宮不收皆元氣不足

交骨不開用芎歸湯加髮灰龜板補

陰門不閉。十全大補湯加五味子補。

子宮不收。補中益氣湯加醋炒芍藥五味子補。

臨產

月分既足。腰腹陣痛。微見漿水。是名弄胎。尚宜靜守。必待腹痛。二陰挺併。眼中溜火。方爲真產。脉一呼三至。一吸三至。微覺動作。家中勿驚慌。宜屏除一切穢物。掃室焚乳香。痛時稍放裙帶。吐氣數口。

如饑忌食肉。及多食。若食肉多食。則礙於上焦。氣不
得下。故難產。雖產下。食停滯於中。反變生諸患。多致
危殆。惟粳米作稀粥與服。妙甚。

腹痛宜忍耐。站立散步房中。慎不可攣腰以阻兒路。
須兒欲出時。方可抱腰。旁人戒驚擾。

欲生之時。卽煎佛手散。加益母童便一劑。妙甚。

初生下。卽飲童便一盞。可免血暈諸疾。或加芎歸湯。
中肥白人。多氣虛。濃煎人參湯。加蘇木童便。

三朝內宜食稀粥調理。不可食暈并鷄子及粘硬之物。猪肉尤忌。

血暈

難產去血過多而暈。脉微弱色白者。獨參湯加蘇木。童便。脉芤大數。多火人產暈。是虛火。四物加澤蘭、陳皮、益母、童便。

血氣暴虛。汚血隨虛火泛上。迷亂心神。故眼黑生花。甚者悶絕不知人事。口噤人昏氣冷。但服清魂散即

醒。衣。秋。其。德。四。姐。翁。瓜。如。升。厥。療。長。涼。血。丹。靈。冬。炎。

澤蘭葉 人參 各二錢半 荆芥 三錢 川芎 三錢 甘草 五錢 俱末

童便點湯下一錢灌

暈而大汗是陽暴脫也。禁用辛散之藥。參芪白朮為

君。少佐歸地炒黑乾薑少許。

惡露

養胎餘血。雜濁漿水。氣血旺者。隨兒而下。怯者。阻碍

於小腹為患。最惡。上攻即暈。攻胃即嘔。流於大腸即

醫學集要 婦科 卷七

瀉。溢於四肢則腫。須急用芎歸、玄胡、乳沒、桃仁、紅花、蒲黃、血餘、逐去惡血爲佳。

產後

丹溪曰：產後當大補氣血爲主。雖有他證，以末治之。乃精確妙法。

左脉大而無力。或微弱。補血爲主。

右脉微弱。或虛大。補氣爲主。

兩手脉俱弱。四肢倦怠。或作潮熱。是氣血俱虛。參芪

歸朮爲君。

產後別無他症。只虛弱倦怠。脉弱。參朮芩草歸身陳皮煎服佳。

產後忌白芍。以其酸寒伐生生之氣也。如血虛腹痛必用者。酒浸炒過聽用。

產後脉浮大無力。卽名芩。乃失血之脉。悞認外感。正見傾危。其發熱者。因血虛陽無所依。浮散於外。而爲熱。必參芩大補。少佐炮薑以收浮熱。

產後遺尿。因氣血太虛。不能約束。宜八珍。加升麻。甚者加熟附子一片。

產後瘕瘕之症。不可作風治。因去血過多。陽火熾盛。筋無所養。而然耳。當用補中益氣。四君歸脾。以補土而生陰血。則陽火自退。諸症自愈。

產後乳少。因氣血虛弱。脾胃少生化之故也。宜參芪歸朮。大滋化源。以生乳汁。若因悶懣食少。不能生乳。而乳少。宜舒鬱健脾。香附。撫芎。枳殼。神麴。麥芽之類。

不能約束...

加熟附子一片

後痰癆之症不可作風治因去血過多陽火熾盛

無所養而然耳常用補中益氣四君歸脾以補土

五舉其大... 平其人爾

... 補中益氣...

... 補中益氣...

... 補中益氣...

醫學集要 卷之八

靖江朱鳳台慎人父纂定 同邑朱諤蕭瞻父校

小兒提綱

孺子在襁褓中。內無情慾。外無勞傷。其病大半是胎毒。與傷食外感寒暑而已。曰變蒸。曰痘疹。曰斑爛。曰驚悸。曰風癇。曰發搐。曰痰壅。曰赤瘤。曰白禿。曰解顱。曰重舌。木舌。諸症。豈非孕母不謹。流毒之所致歟。夫小兒在胎。母饑亦饑。母飽亦飽。辛辣適口。胎氣隨熱。

情慾動中胎息輒燥或多食煎燂嗜慾無節或喜

無常皆能令子受患爲母者胎前旣不能謹節產後

又不能調護或未滿百晷遂與鹹酸或未週開暈或

當寒反熱或當熱反寒百病生焉曰吐瀉曰黃疸曰

五疳曰腹脹曰腹痛曰水腫曰瘧痢曰痰喘曰發熱

皆喫物過傷調養失宜外感所致也然稟賦旺者氣

體充實乳哺寒暑適宜自無疾苦有生之後全賴乳

哺乳寒卽寒乳熱亦熱情慾無涯口腹縱嗜毒釀於

乳而兒病矣。如乳母動肝氣。兒肝亦盛。乳母傷脾氣。兒脾亦傷。所以先醫謂小兒肝與脾病居多者。此也。庸醫妄用攻下。取快一時。脾氣轉損。乃生慢驚疳痢等病。薛院使醫按。多用補脾法。誠萬世嬰兒之司命。古人謂小兒爲啞科。以難問症難察脉也。且臟腑脆嫩。凡猛狼之劑。及峻寒峻熱。俱難輕投。務宜察色觀容。如額赤知爲心熱。鼻紅知爲肺熱。左腮青知爲肝有餘。右腮白知爲肺不足。頰白知腎虛。更叅以虎口

三關之脉。如魚刺形者。主驚風痰熱。如懸針形者。主傷風泄瀉積熱。如水字形者。主食積咳嗽驚疳。乙字形者。主肝病驚風。蟲形。主疳蟲大腸穢積。環形。主肝積吐逆。亂紋。主蟲。珠形。主死。再以脉之形色辨之。其于病情。思過半矣。

急驚

急驚屬肝屬陽風邪痰熱有餘之症。治宜散邪消痰。清熱爲主。或加減敗毒散。或琥珀抱龍丸。

加減敗毒散 治急驚風初起發熱手足搐搦角弓

反張一切感冒風寒

人參 柴胡 薄荷 羌活 姜蚕炒 枳殼炒 地

骨皮 白附子 桔梗 膽星 滑石 天麻

甘草 半夏製 陳皮 全蝎去毒等分 薑水煎服

琥珀抱龍丸 治急驚痰涎壅盛發熱氣喘失聲手

足搐搦不省人事面色青紫及中暑氣粗悶亂等

症

南星

為末臘月納牛膽中陰乾百日取研四兩

硃砂

砂

雄黃

各五錢

麝香

牛黃

琥珀

各一錢

甘草末

一兩五錢

滑石

二兩

姜蚕

三錢炒

全蝎

去毒二錢

天竺黃

薄荷葉

半夏

各一兩

共末煉

蜜丸如芡實大薄荷燈心煎湯沉香磨汁送下

慢驚

慢驚屬脾屬陰中氣虛損不足之症治宜大補脾胃

為主或黃芪湯補脾散加減

黃芪湯治小兒慢脾風

黃芪炒

人參

白芍

炒各一錢

甘草

五分

右為一劑水煎

食遠服

醒脾散

治小兒慢脾風脾困昏沉默默不食

白芍

炒

人參

白茯苓

各五錢

山藥

二兩炒

木香

一錢

陳皮

甘草

各三錢

白朮

半夏

各一兩製

神麩

六錢炒

砂仁

三錢炒去衣

蓮子

三十粒打碎去心

麥冬

一錢去心

共末每紅

棗煎湯送下一錢

疴疾

疳病由乳母寒熱失宜。食飲乖違。肥甘過度。喜怒氣亂。便以乳兒。故成此病。或因久瀉。久痢。久吐。久瘧。久熱。致脾胃大傷。津液耗極。治宜補脾胃。生津液。戒過用。尅伐藥。消疳湯。生津散。消疳丸。主之。

消疳湯 治大便色疳。白小便渾濁。澄之如米泔。此

疳病也

山查肉 白芍炒 黃連薑汁炒 白茯苓 白朮土炒

澤瀉各一錢 青皮四分 甘草三分 薑棗水煎服

疝積秘方

滑石

飛淨

赤石脂

六兩

石決明

六箇用長流水加鹽少許入砂罐煮一晝

夜或麩

牡蠣

一箇醋煨

石膏

煨三兩

蘆甘石

銀罐爆過

螵蛸

一晝

硃砂

黃丹

水飛過

玄明粉

升過白色者以上各一兩

如糞乾結

倍滑石

瀉牡蠣

虛倍硃砂

身熱腹脹

倍黃丹

嗽而

有痰倍玄明粉以上十味各研極細末和勻聽用

加減以不落水雄猪肝二兩竹刀批開細路摻藥

在內草紮好米泔煮滾去藥食肝

神疴散

鷄肫皮

七箇

鵝肺

一兩各焙為末

黃荊子末

六兩

鷄子打破頭

入藥五分。紙封。飯上蒸熟。空心酒下。重者五服愈。

起脾丸

史君子

膽草

蘿蔔子

炒

山藥

蓮肉

白朮

麥冬

甘草

澤瀉

各一兩

神麴

當歸

麥芽

山查

陳皮

穀蟲

生地

白茯苓

各二兩

黃連

抄一兩半

人參

五錢

俱末米糊丸。空心白湯下。二錢。

生津散 治脾氣虛弱津液耗極致成疴疾

人參

白朮

土炒

麥冬

各一錢 去心

史君肉

茯苓

白

芍

神麴

炒

山梔

炒

山查肉

各八分

陳皮

甘草

各五

分

蕪夷仁

六分

山藥

炒一錢半

棗水煎服

消疴丸

治疴症

蛤粉

五錢

石燕

火煨一對

穀精草

六錢

俱末每服藥末二錢

猪肝一兩同煮爛食

癖疾

癖疾因乳哺失調。食飲停滯。邪氣相搏而成。初起可用疎散藥一二劑。久則飲食減少。正氣必虛。必先用固胃氣為主。使養正而積自消。若直攻其癖。癖未必除。則脾土愈虧。而癖疾益盛。且變症百出矣。宜朝服補中益氣湯。夕服消積丸。

消積丸 治癖疾積塊

人參 沉香 琥珀 延胡索 石菖蒲 桔梗

枳實 炒 厚朴 炒 半夏 製 橘紅 黃連 炒 茯苓 各六錢

巴霜 三錢 另研

吳茱萸 炮

乾薑 炒

官桂

去皮

川烏

炮各八錢

砂

仁

畧炒 去衣

木香

柴胡

山查肉

麥芽

炒各五錢

史君

子

去殼 六錢

俱末皂角六兩煎汁丸菜豆大每薑湯下

六分漸加至八分

諸熱

小兒面色青慘而不舒左額有青紋手足稍冷發熱

惡寒無汗此傷寒熱也宜羌活防風薄荷蘇葉川芎

柴胡甘菊地骨皮之類清熱散邪

面赤而光。手足微溫。自汗。此傷風熱也。宜薄荷、甘菊、川芎、蔓荊、柴胡、地骨皮、花粉。微散清熱。

右額有青紋。目胞腫。身熱而頭額腹肚尤甚。晝涼夜熱。面黃。或吐痢腹疼。此傷食熱也。宜山查、麥芽、神麴、厚朴、枳殼。消食化滯。

面色青紅。額正中有青紋。手心有汗。時作驚惕。手脉絡微動而發熱。此驚風熱也。宜膽星、薑蚕、全蝎、薄荷。半夏天竺、黃荊、芥苳、砂滑石。消痰清熱。

唇紅頰赤身熱倍能食大小便秘此實熱也宜芩連
花粉大黃之類通利清熱

面色痿黃身熱不能食大小便時下此虛熱也宜人
參白朮茯苓山藥黃芪甘草助脾補虛

凡小兒或變蒸而熱或傷食而熱或受風寒而熱或
發痘疹而熱甚是多端在醫者隨時靈變可也

感冒

發熱頭疼惡寒無汗鼻塞痰嗽此感冒也惺惺散王

之

惺惺散

人參 白朮炒 茯苓 桔梗 瓜蒌根 細辛

甘草

薄荷 各等分

薑水煎服

傷食

飲食無節。生冷過食。宿食停滯。中脘肚疼。發熱。此傷食也。消食散主之。

消食散

白朮 土炒二分 青皮 神麩 炒 橘紅 香附 製各七分

甘草 炙五分 麥芽 炒 砂仁 炒 山查肉 各一錢 俱末每瓶

白湯服一錢半

腹脹

小兒脹有虛實。實者消脹散主之。虛者補中益氣湯。

六君子湯主之。

消脹散

蘿蔔子 炒 蘇梗 乾葛 陳皮 枳殼 炒各等分 甘草

少許薑水煎服

補中益氣湯

六君子湯 俱見各症門

嘔吐

嘔吐或因傷乳食。或脾氣虛弱。宜安胃定吐湯主之。

安胃定吐湯

麥冬 半夏製 人參 茯苓各八分 藿香六分 白朮二錢

土沉香 硃砂各三分 淡竹茹一錢 木香五分 薑棗水煎

服

泄瀉

泄瀉因乳食所傷脾虛不運宜參苓白朮散主之。

參苓白朮散

人參 白朮炒 茯苓 山藥炒 甘草炙各三錢 白扁豆

一錢半薑汁浸炒 蓮肉打碎去心 薏苡仁炒 砂仁 桔梗各一錢

俱末每薑棗煎湯調下二錢量兒大小虛實加減

吐瀉

凡小兒脾胃俱傷。則上吐下瀉。極危症也。宜固胃氣為先。戒用剋伐之劑。白朮散主之。

白朮散

人參 白朮炒 茯苓 藿香 木香 乾葛

甘草炙各等分 薑水煎服

痢疾

小兒痢疾。難以槩治。須分新久。虛實。新而實者。宜消食化滯。山查、麥芽、厚朴、檳榔、黃連、木香、枳殼之類。久

而虛者宜補正固胃。參苓白朮散補中益氣湯。四君子湯。選用。

參苓白朮散 見前

瘧疾

瘧疾因脾氣虛弱不能運化精微。食飲無節。風寒束避。以致乳食悉變為痰。凝結膈間而作也。初起壯實者宜清脾飲。加減治之。稍久挾虛者補中益氣湯。六君子湯。選用。

清脾飲 見癰疾門

咳嗽

咳嗽因感冒風寒。肺氣不清所致也。宜清肺散邪。參

蘇飲主之。

參蘇飲

紫蘇 陳皮 前胡 桔梗 半夏製 白茯苓

乾葛 枳殼炒各六分 甘草 人參 木香各三分 薑水

煎食後服

喘急

小兒喘急。因鬱熱在內。痰氣盛故也。宜下氣清熱。清

膈飲主之。

清膈飲

神麩炒

半夏製

天花粉

橘紅

丹皮

桔梗

各入

分

蘇子

炒

麥冬

去心

薄荷

各一錢

前

滑石

各六分

研

甘草

三分

薑水煎服

走馬牙疳

口腭牙根生白點不能食乳者此馬牙也須急清涼
解熱

立効丹

秋石

兒茶

各三錢

五倍

雄黃

各一錢

礪砂

石膏

滑石

各二錢

硃砂

一錢五分

共末先用薄荷煎湯遍口腭

擦之然後吹藥一日五次

清胃升麻湯

治小兒齒腫流涎頰腫馬牙疳主陽

明之熱

升麻 川芎 白朮炒 白芍 半夏各七分 乾葛

防風 黃連酒炒 生甘草各五分 軟石膏煨一錢 白芷

三分 薑水煎服

丹毒

丹毒因火行於外故遊走遍體而赤腫也內服犀角

消毒湯外敷清涼膏

牛旁子炒四錢 荆芥穗 防風 黃芩炒各一錢 犀角

甘草各五分 薑水煎服

清涼膏

五倍子

煨一兩

人中白

煨二兩

青黛黃礬砂

乳香

各五

錢

硃砂

三錢

雄黃

二錢

共末真醋調敷

喉痺

喉痺因風熱入裏未能發越熱毒上升致喉間腫痛

內服甘桔湯外吹必効散

甘桔湯

桔梗

三錢

防風

荆芥

薄荷

黃芩

炒

甘草

各一錢

水煎服

必効散

牛黃六分 明礬 硃砂各二錢 秋石三錢 硃砂一錢 片腦五厘

共末每用半分吹入喉中一日六次

尿濁

小兒尿濁因濕熱在脾宜清熱利濕澄清飲主之。

澄清飲

白朮炒 茯苓 白芍炒 黃連薑汁炒 澤瀉 山查肉

醫學集要 小兒 十五 卷八

各一錢 青皮四分 甘草三分 滑石八分 水煎空心服

下淋

下淋因鬱熱在膀胱致水道不通淋瀝不出或如沙石或冷淋如膏治宜清熱滲濕快淋散主之

快淋散

赤茯苓六錢 牛膝 赤芍藥 滑石 山梔仁各二錢

車前子一錢五分 條芩三錢 當歸 甘草各五錢 燈心水煎

食前服

小便不通

火在膀胱鬱而不散。故小便不通。宜前快淋散。加兒茶末一錢。扁蓄二錢。

大便不通

凡大便不通。有虛閉。有實熱壅滯。若實熱壅而閉者。宜大黃枳殼沒藥黃芩玄明粉之類。宜通其滯。虛閉者。宜杏仁蘇子當歸熟地麻仁陳皮之類。滋潤其寒。各有不同。治者宜細審焉。

水腫

小兒水腫。因脾土虧。不能制水。水無所畏。則泛而上。行。致頭面四肢俱浮腫也。治宜大補脾土。而兼以滲濕。忌過用利水。尅伐之品。扶脾滲濕湯主之。

扶脾滲濕湯

山藥

白朮

炒各二錢

薏苡仁

炒三錢

茯苓

地膚子

車前子

人參

各一錢

澤瀉

牛膝

半夏

各八分製

陳皮

六分 水棗煎服

黃疸

黃疸因脾胃中濕熱甚故也宜茯苓滲濕湯量兒虛

實加減

茯苓滲濕湯

茯苓 茵陳 山梔 黃連 黃芩 防已 白

朮炒 蒼朮炒 陳皮 青皮 枳殼炒 猪苓各一錢 澤

瀉三分 水煎徐徐溫服

腦疽

連根巴遊八兩。去泥打成把。扎緊燒紅。以碗蓋罇。灰香油調搽。卽愈。如復發。用糯米飯合許。蛇退二寸。刀背共剝爲泥。布攤貼。任自乾落。永不發。

奶癬

用三白酒瓶二箇。以一箇貯黃豆。布罇口。火煨待油出。滴入空瓶內。取搽神効。

口疳

凡小兒口舌生瘡。乃心脾受熱。瘡赤。係心臟熱。瘡白。

係脾臟冷。瘡黃。係脾臟熱。吳茱萸末。醋調敷脚心。

一夜愈。以引熱下行也。○又黃連為末。每一次蜜水

調服。○兒茶

雄黃

各二錢

飄蛸

血竭

薄荷

各五分

馬桶垢

打作小塊入黑棗肉中炭火煨連棗用

冰片

麝香

各二分

婦存

硬塊即疔也。加人言四釐

以草紙包人言外用鹽泥封固煨紅放地上冷

取出連草紙用

俱研末。蘆管吹

追蟲

苦棟根。色紅者不用。色黃向陽者佳。刮去粗皮。取白

皮二兩煎濃汁。和檳榔丸菜子大。清晨白湯下三十丸。蟲盡下。

通用

保童丸

青皮 蘆薈 陳皮 蓬朮 川芎 檳榔 青

黛 五靈脂 白豆蔻 穀蟲 各五錢 木香 史君

子肉 蝦蟆末 去頭脚肚皮酥 油炙各三錢 如大便燥加當歸

五錢俱末猪膽汁打糊為丸。每空心米湯下五分。

桃紅至聖散 治百病痰食驚風俱効

生石膏

一兩

硃砂

一錢

俱末半蜜半水飯上頓熟調服

一二三歲服一錢二分五六歲服一錢半八歲至

十五歲服二錢半大人中風服三錢

至寶丹 治內積外感驚熱及胎中諸症以古三方

合并為末為丸任用

滑石

水飛過晒乾研末六兩

粉草

去皮蜜炙為末一兩

和勻另包

益元散

香附

炒一兩三錢

甘草

去皮炒

山查

炒各一兩

甘松

二錢

益智仁

六錢 莪術 醋炒 砂仁 各三錢 俱末和勻另包 七氣湯

人參 桔梗 炒各七分半 甘草 炒 木香 各八分 雲苓 黃

著 蜜炒 黃芩 神麴 炒 遠志肉 甘草湯煮晒乾 薑汁炒各二錢 山藥

薑汁 炒 茯神 各一錢半 俱末和勻另包 炒香散

合成大料。益元散二兩五錢。七氣湯二兩。炒香散

五錢。三末合勻。蜜丸。芡實大。硃砂為衣。三歲服一

九。三歲至十歲服三丸。

或三末三處收貯。看症宜以何方為君。多用二匙。

餘二方爲佐。少用二匙。因症更湯下。

諸驚、衣花湯、赤白痢、陳茶薑湯、泄瀉、陳米

飲、盜汗、浮小麥湯、腹痛、薑湯、夜啼、燈草燒

灰湯、潮熱、金銀薄荷湯、小便赤澀、木通湯、

赤白濁、淡竹葉湯、

內傷外感、發熱悸怖、喘咳氣粗、面赤無汗、薑蔥湯

下、多服湯、取汗、傷風夾驚熱、咳嗽面青、夜啼停

滯、肚脹作渴、吐酸、小便不清、及痘後虛熱、燈心湯、

通熱浮腫、大腹皮、薑皮、茯苓皮、陳皮、桑白皮湯。

醫學集要外科

卷之九

古績唐雲龍立真父原本

靖江卞鳳台真人父增刪

姑蘇孫胤嘉昌所校

旨歸

醫分內外。繇來久已。但一切腫毒。實緣內而發外者。也。素問云。五臟不和。則九竅不通。六腑不和。則留結爲癰。膏粱之變。足生大疔。又云。氣滯血亦滯。蓋人身以血氣爲本。若氣血調暢。則五臟六腑自然宣通。何

有諸患。惟人飲食起居。性情好惡。不循其宜。或酒色過度。憂思抑鬱。或好椒薑炙燂厚味。積溫成熱。致血凝滯於陽絡。則發爲癰。閉寒於陰經。則發爲疽。苟氣血未敗者。患此猶不傷生。倘未發前。血氣先虧。則應發而死。非因毒而死也。毒無血氣。則不能燉腫。燉腫者。血氣載毒也。無血氣。則毒不能消解。消解者。血氣流通也。所貴知內知外。忝究其應在何經絡。更審本經血氣多少。臟腑虛實。毒勢盛衰。然後用攻。用補。用

守。以接引陰陽血氣爲本。解毒散邪爲標。則萬無一
失。大都有形必有根。治者貴得其旨。如疽居陰分而
少陽。法當扶陰而濟之以火。癰發陽分而少陰。法當
疏陽而應之以水。如此救應。方得陰陽中之真水火。
所謂治外而不從外治者也。

內經曰。百病皆從虛發。故腫毒根於臟腑。發於經絡。
皮膚醫師明經識症。辨脉得情。方不悞人。經云。無失
病機。機字非指病邪而言。貴得人身元氣。應病與不

應病之機爾。

諸毒之作。生有據。主必有歸。如發於喉舌者。心毒發於皮者。肺毒發於肌肉者。脾毒發於筋者。肝毒發於骨髓者。腎毒發於上者。陽毒發於下者。陰毒發於外者。六腑毒發於內者。五臟毒故內曰壞。外曰潰。上曰從。下曰逆。發於上者得之速。發於下者得之緩。感之六腑則易治。感於五臟則難瘳。又近骨者多冷。近虛者多熱。近骨者久不愈。則化成血蠱。近虛者久不愈。

則傳氣成漏。然蠱則多痒。少痛。或先痒後痛。漏則多痛。少痒。或不痛不痒。內虛外實者。多痛。少痒。膿血不止者。多死。疾潰者。多生。或吐逆無度。飲食不時。皆癰疽死症。症候萬端。治法列各經條內。

凡腫毒。必由經絡所過。留結而成。故設爲十二經絡之圖。使學者知所主治。而後可用攻守補瀉之法。針灸湯散之工。尤當旁參十二經之虛實。互相煥發。而宣化陰陽。平調臟腑。方爲良師。

原病式曰。癰淺而大。疽深而惡。故經言陰邪殺人甚速。如患疽者。亦以治陽經之方藥治之。則速其敗。宜急救陰中之真火。以扶水中之真陽。則陽得陽運。方可獲生。當以八味丸料內。倍加生附子肉桂大劑以補之。佐以生芍藥。約守桂附。使陽得其正。則陰邪解矣。

毒者。陰陽不正之氣。偏勝乖戾之所爲也。因素失謹養。冒寒犯暄。動靜起居。違和失宜。七情房勞。耗損精

神兼之甘肥膏粱積壅成病真水虛而邪火熾毒所
由起也。經曰邪害空竅。故毒之害人猶邪害正。小人
害君子。皆乘虛而入。又從火而生。故名火毒。五行之
中惟水最善。火最惡。人惟真陰不足。故邪火妄炎。或
陷陽分爲癰。或陷陰分爲疽。經絡榮衛並受其害。惟
得水可解。世人泥以熱治熱之說。不問毒之盛衰。人
之強弱。槩施炙熯之法。或有愈者。以火氣能通鬱結
故也。或不中效。則火氣外遏。毒氣反沉。其害轉加。豈

知五行惟水能滅火。何如內服辛涼苦寒之藥。使火
得水而自解乎。然水主乎氣。又宜安胃氣爲主。誠使
胃壯。則土亦能伏火。水土復。則自然邪不從。邪火不
從。火毒不從。毒是火毒。原從不正。中來。還從得正中
去矣。經曰。人生成於血氣。敗於陰陽。順之則生。逆之
則死。故以水救火。以氣行血。妙法也。
治腫毒者。欲於危急之際。決斷生死。必先視其胃氣
之有無。谷神不死。則可長生。谷神者。胃氣是也。然胃

居中州之地。藉腎氣鼓動。如胃氣敗者。腎氣先絕也。每有似毒而非毒者。醫者不審真偽。見其腫痛紅漫。便曰毒勢甚盛。卽將鐵箍散敷貼。內服敗毒發散之劑。攻傷胃氣。耗損津液。其毒勢愈甚。非毒而醫成毒者多矣。殊不知因火邪客於經絡。拂鬱不通。以致氣血凝滯。津液血脉不能流行。結瘀而爲紅腫。是爲假毒。宜導引血氣。疏通津液。則熱退結散已。雖然治真毒亦惟此法。况假毒乎。

癰疽脉法

浮腫瘍爲虛爲風。潰瘍爲虛。

沉腫瘍爲邪氣深。潰瘍爲遺毒在內。

遲腫瘍爲虛爲寒。潰瘍氣血虛寒不能榮養肌肉。

數腫瘍爲熱爲病進。洪數爲有膿。潰瘍爲難愈。

緊腫瘍爲寒爲痛。潰瘍主氣血沉滯爲痛。爲有外寒。

緩腫瘍大而緩爲虛。潰瘍爲病脉相應胃氣充易愈。

滑腫瘍爲熱。潰瘍爲熱爲邪氣未退。

潛腫瘍爲氣實氣滯。潰瘍爲血虛。病脈相應。
弦腫瘍爲痛。爲欲膿。潰瘍爲血虛。爲痛。
長腫瘍宜敗毒。潰瘍爲氣。治易愈。
乳腫瘍爲血虛。潰瘍爲虛。爲相應。

散腫瘍爲氣不收斂。潰瘍爲氣血兩虛。爲痛。
代腫瘍爲氣血衰敗。潰瘍爲元氣竭絕。

伏腫瘍爲陰中伏陽邪。潰瘍爲陽中伏陰邪。爲流注。
浸淫。

結腫瘍爲邪氣結滯潰瘍漸勻則愈不調則危。

洪實牢促四脉腫瘍爲邪盛爲熱潰瘍爲邪氣不退。

難愈。

短微虛弱四脉腫瘍皆爲元氣不足潰瘍爲陰陽兩虛爲脉病相應。

腫瘍要法

機要云瘡瘍者火之屬治分內外若脉沉實當先疎內以絕其源脉浮大當先托裏恐邪氣入內也有內

外之中者。邪氣至盛。過絕經絡。故發癰腫。此因先托裏。及先疎通。又先和榮衛也。故大要須明托裏。疎通。和榮衛三法。內之外者。脉沉實。發熱煩燥。外無焮赤。痛源於內。其邪氣深。故疎通臟腑。以絕其源。外之內者。脉浮數。焮腫在外。形症外顯。恐邪氣極而內行。故先托裏也。內外之中者。外無焮惡之形。內亦臟腑宣通。知其。在經。當和榮衛也。用此三法。腫雖未能卽差。必無變症。可使邪氣浸減而愈。

癰疽源論

丹溪云。癰疽因陰陽相滯而成。蓋氣陽也。血陰也。血行脉內。氣行脉外。相並周流。寒與濕搏之。則凝結而行遲。爲不及。熱與火搏之。則沸騰而行速。爲太過。氣得邪而鬱。津液稠粘。爲痰。爲飲。積久滲入脉中。血爲之濁。此陰滯於陽也。血得邪而鬱。隧道壅塞。或溢。或結。積久滲出脉外。氣爲之亂。此陽滯於陰也。百病皆由於此。又不止癰疽而已。又曰。因榮氣盛。偏助火邪。

而作。從虛而出於經絡也。如太陽虛。從背而出。少陽
從髻。陽明從髭。微熱則痒。甚熱則痛。血虛則痛甚。熱
甚則腫甚也。諸經惟少陽厥陰所生。宜預防之。以其
多氣少血也。血少而肌肉雖長。瘡久未合。必成死症。
苟不知此。速用驅毒利藥。以伐其陰分之血。禍不旋
踵矣。

辨癰疽淺深論

集驗云。治瘡瘍須辨淺深。腫高而軟者。發於血脉。腫

下而堅者。發於筋骨。皮色不相辨者。發於骨髓。又以
手按搖瘡腫。根牢而大者。深也。根小而浮者。淺也。初
起便覺壯熱惡寒。拘急頭痛。精神不寧。煩躁喜飲冷
者。深也。雖患瘡疽而起居飲食如故者。淺也。深淺之
辨。吉凶分焉。

辨癰疽虛實論

癰疽須詳虛實。然後用藥。如腫起堅硬膿稠者。實也。
腫下軟慢膿稀者。虛也。瀉痢腸鳴。飲食不入。嘔吐無

時手足俱冷。脉弱皮寒。小便自利。大便泄瀉。聲音不出。精神不爽者。臟腑虛也。大便硬。小便濇。腹痛膨脹。胸膈痞悶。口苦咽乾。煩躁多渴。身熱脉大。精神昏憤者。臟腑實也。膿水清稀。瘡口不合。腫而不赤。肌寒肉冷。自汗色脫者。氣血虛也。腫起色赤。寒熱疼痛。皮膚壯熱。膿色稠粘。頭目昏重者。氣血實也。頭疼目赤。鼻寒心驚。咽喉不利。口舌生瘡。煩渴飲冷。睡語咬牙者。上實也。精神不斂。大便自利。腰脚沉重。睡卧不寧。下

虛也。肩項不辨。四肢沉重。目視不正。睛不了了。食不知味。暗嘶聲敗。四肢浮腫者。真氣虛也。焮腫尤甚。痛不可近。積日不潰。寒熱往來。大便秘澇。小便如淋。心神煩悶。恍惚不寧者。邪氣實也。經曰。真氣奪則虛。邪氣盛則實。實實虛虛。一或少差。利害甚大。審之慎之。

癰疽固本論

丹溪云。癰疽因積毒在臟腑。當先助胃壯氣。根本堅固。而以行經活血藥爲佐。叅以經絡時令。使毒氣外

發施治之早。可以內消。河間治燉腫於外。根淺不深。形症在表。脉多浮。病在肌肉。非氣盛則必侵於內。急須內托。宜復煎散。除濕散鬱。使胃氣和平。如未已。再煎半料飲之。如便秘及煩熱。少服黃連湯。如微利。及煩熱已退。却與復煎散。使榮衛俱行。邪氣不能內傷也。

癰疽不可妄下論

東垣云。凡瘡瘍面赤。雖有伏熱。禁不得攻裏。爲陽氣

拂鬱邪氣在經。以托裏榮衛湯之類。縱大便日不去。亦宜多攻其表。以發散之中。少加潤燥之藥。汗之則愈。切不可下也。

陽氣脫陷論

瘡瘍陽氣脫陷者。或因誤服剋伐之藥。或因膿血太泄。或因吐瀉之後。或因入房過度。或因潰後勞役。元氣虧損。或夢遺精脫便血。或因虛而外邪乘之。或誤用寒涼等藥。皆能致氣血脫陷。故顯發熱頭痛小便

淋瀝或滑數便血。目赤煩喘。自汗發熱。氣短頭暈。體
倦熱渴。意欲飲水。投水不入。身熱惡衣。揚手擲足。汗
出如水。腰背反張。鄭聲不絕等症。此無根虛火之假
熱也。若畏寒頭疼。咳逆嘔吐。耳聾目矇。小便遺瀉痢。
腸鳴。裏急腹痛。玉莖短縮。冷汗時出。齒牙浮腫。肢體
麻痺。或厥冷身疼。或咬牙嚙唇。舌根強硬。此陽氣脫
陷之真寒証。皆勿論其脉。勿論其症。但見一二急用
參附補之。多有復生者。

分經用藥論

瘡瘍止發於一經。或兼二經者。止當求責於此一二經。不可干擾餘經。以致犯禁。壞逆之變。尤當隨經絡氣血多少用藥。蓋氣多之經。宜行其氣。血多之經。可出其血。若夫少陽厥陰。雖曰多氣少血。然氣血皆不足。一見癰腫。便與滋補。可保終吉。

腫瘍論

腫瘍者。言癰疽未潰也。蓋癰疽初起。須審其經絡所

爲勢之腫漫。色之赤白。痛之微甚。毒之淺深。氣之虛實。若腫高。焮痛。便利。調和。邪在表也。宜表散之。腫硬痛深。大便閉。濇。邪在裏也。宜利導之。外無拘急。內無閉塞。便利。調和。邪在經絡也。宜調和榮衛。腫焮不痛。或麻木不痛。邪氣凝滯也。宜活其氣血。若煩燥。飲冷。赤痛。外熱。二便不通。火熱內熾也。宜清涼解毒。若人飲食疎。精神衰。氣血弱。肌肉消。宜參芪大補。若微腫。微痛。或不痛。陽氣虛也。宜參芪托裏。微黯。微赤。或不

赤真氣虛寒也。宜參附補氣。若虛寒而不作膿。膿成而不潰者。陽氣虛也。宜參附以回陽。癰疽論云。腫瘍內外皆壅。宜以托裏表散爲主。但見腫痛。參之脈證。虛弱便與滋補。元氣無虧。可保終吉。若不分受病之因。兼証之經。槩行敗毒。乏擾諸經。誅伐無過。必致不起發。或不潰不斂矣。

潰瘍論

潰瘍者。言癰疽膿潰也。膿出肉腐。氣血兩虛。邪氣亦

退脉之洪數漸宜減退。赤腫漸收疼痛俱減者爲順。但見膿後須以補氣血藥爲主。解毒佐之。若破後不潰。瘡口堅硬者風也。宜托裏以散風。若潰後而露肉不去者陽氣弱也。宜助胃以壯氣。若潰而瘡口易收。乃氣血中餘毒不至分消。即便長肉生肌。必防流注之患。宜托裏以消毒。若潰後根脚尤焮赤。反展開爛。或不痛。此正氣虛。毒氣不退也。宜助正以消毒。若膿潰腫痛。或發寒熱。氣血虛寒也。宜大補氣血。若潰後

嘔吐食少。脾胃虛弱也。宜開胃健脾。手足並冷。脾氣虛寒也。宜姜附以溫氣。若潰後而仍痛。或二便閉塞者。熱毒未解也。宜清熱消毒。熱退而渴不退。津液不足也。宜滋液生津。熱退而小便淋數。腎虛也。宜補金以生水。熱不止。或腫痛反甚者。虛熱內作也。宜健脾壯水。熱退而肌肉不生者。氣血俱虛也。宜大補氣血。肉雖長而色紫者。遺毒也。宜助正解毒。瘡色太白。或陷下不斂者。寒氣所襲也。宜溫氣以散寒。膿血過多。

煩躁不安者陽脫也。宜獨參湯以助陽。癰疽論云。潰瘍內外皆虛。宜以托裏補接爲主。蓋潰瘍之變。皆因腫瘍治失其宜。虧損元氣所致。誠能謹之於始。則無後患矣。

內消法

集驗云。癰疽之症。無定處。欲令內消於初起。施行氣活血解毒消腫之藥。審淺深大小經絡所形。脉證虛實。各隨本經標本寒溫。氣血多少。以行補瀉。如發於

胸背腰項髻膻者。太陽經也。宜清熱解表。腰連脇處。爲近少陽。宜疎邪輔正。諸經惟少陽一經。雖多氣少血。然氣血皆不足。治與氣血兩虛同法。脉實者。宜疎利以消毒。脉虛者。宜助正以驅邪。氣虛者。參芪爲主。血虛者。歸芍爲君。腫痛發熱。大便秘結。邪在裏也。宜疎通之。作痛寒熱頭痛。邪在表也。宜解散之。焮痛腫甚。邪在經絡也。宜和解之。微腫微痛而不潰。氣血虛也。宜補托之。黯微腫痛而不潰。潰而不斂。陽氣虛也。

宜溫補之人。知瓜萸射乾山甲銀花連翹地丁大黃
之類爲內消之藥。內消丸牛膠飲柞木飲返魂丹爲
內消之方。不知補瀉虛實。平治寒溫。使氣血各得其
常。不治腫而腫自消也。

內托法

癰疽已成。血氣虛者。邪氣深實者。邪氣淺散漫者。不
能突起。亦難潰膿。或破後膿少。或膿清稀。或堅硬不
軟。或難得膿。而根脚紅腫開大。或毒氣不出。瘡口不

合。但腫不赤。結核無膿者。皆氣血虛邪盛之故。必須
內托。令邪氣出於肌表。則易愈矣。若膿已出。敗肉去。
紅腫消。當大補氣血。使肌肉易長。人知驅毒卽爲內
托。不知補氣血。正所以托內也。

止痛法

瘡瘍症候。或寒熱虛實。皆能爲痛。止痛之源。須審邪
之所在。証之所因。如寒熱而痛。邪在表也。宜解散之。
便閉而痛。邪在裏也。宜利導之。焮腫而痛。血氣凝滯。

也。宜散滯活血。作膿而痛。宜托裏消毒。大痛或不痛。或麻木。毒氣盛也。宜固正驅邪。膿脹而痛。宜內托而潰膿出。而反痛者。虛也。大補之。穢氣所觸者。和解之。因熱而痛者。壯其水。因寒而痛者。溫其氣。因風而痛者。散其風。因濕而痛者。導其濕。燥而痛者。潤之。塞而痛者。通之。惡肉侵潰者。引之。經絡壅滯者。活之。陰陽不調者。和之。大抵癰疽不可不痛。若大痛悶絕者。危。

生肌法

人知收澇之品。可以生肌。不知生肌之法。當先理脾胃。助氣血。肌肉乃脾胃所生。收斂乃氣血所主。二者相濟以成者也。故潰後收斂遲速。皆由氣血盛衰。肌肉不生而色赤。脾虛血熱也。助脾以清熱。肉白而不斂。脾虛氣寒也。健脾以溫氣。脯熱內熱陰虛也。壯水為主。膿水清稀。氣血俱虛也。太補爲先。少食體倦。脾氣虛也。補中益氣。煩熱作渴。起居如常。胃熱也。生津止渴。若瘡瘍久不愈。皆元氣不足。或因邪氣凝滯於

忠處能調補脾胃。則元氣自足。邪氣自消。死肉自去。新肉自生。而瘡自斂。使不保其本而徒治末。能免後患乎。

別瘡瘍五善七惡

瘡瘍之作。皆由膏粱厚味。醇酒炙煇。房勞過度。七情鬱火。陰虛陽痿。精衰氣弱。命門火衰。不能生土。土不能生金。水絕其源。邪火獨熾。外邪內襲。氣血受傷。而為患。當審其經絡。受症標本。緩急以治之。若病急而

元氣實先治其標。病緩而元氣虛先治其本。或病急而元氣又虛必先治本而兼治標。然症有五善七惡。五善者。動息自寧。飲食知味。便利調勻。膿潰腫消。水鮮不臭。神采精明。語言清朗。體氣和平。是也。此屬腑症。病微邪淺。更能慎起居。節飲食。雖勿藥自愈。七惡者。大渴發熱。或泄瀉淋閉。邪火內淫。一惡也。膿血既泄。腫痛尤甚。膿色臭敗。胃氣虛而火盛。二惡也。目視不正。黑睛緊小。白睛青赤。瞳子上視。肝腎陰虛。三惡。

也。短氣喘粗。恍惚嗜卧。脾肺虛火。四惡也。不能下食。服藥而嘔。食不知味。胃氣虛弱。五惡也。聲嘶色敗。唇鼻青赤。面目四肢浮腫。脾肺俱虛。六惡也。體弱不食。膿泄太多。臭穢異常。七惡也。此五臟虧損之症。多因元氣虛弱。或因膿水出多。氣血虧損。或因汗下失宜。榮衛消燦。或因寒涼尅伐等藥。胃氣受傷。以致真氣虛而邪氣實。外似有餘。內實不足。純補胃氣。多有生者。不可因其惡而遂棄之。大抵五善見三則瘥。七惡

見四則危矣。

辨瘡瘍陰陽治法難易

屬乎腑者爲陽。屬乎臟者爲陰。治陽易而治陰難。何也。陽從實發。陰從虛起。實者或汗散。或疎利。其毒自愈。至於陰疽。外無形症。內多虛弱。汗散則虞亡陽。疎利則慮亡陰。惟宜參附大補命門之火。以生土。土健則根本固。陽氣一旺。而陰邪自不敢爲患。苟徒恃剋伐之品。以驅毒。毒未必去。而危症立見矣。

壞証治法

凡患腫毒。有他醫已經汗下。炙熨攻傷。以致毒陷。而醫反言毒勢盛。再進攻毒之劑。致胃氣受傷。精血耗極。將立憊者。宜急救氣血。使毒得所資化。以生膿。方爲上策。如氣虛不能作膿。血虛不能生膿。宜急補托。裏氣虛。宜大劑人參。以補元氣。表氣虛。宜大劑黃芪。以助表陽。虛熱。佐甘草。以瀉陰火。血不足。補以熟地。血熱涼。以生地。和以當歸。血中滯者。使以川芎。血不


足不能應毒者。宜大劑歸芍。氣凝而生虛熱者。加桂以溫其血。未破者。加木香以破滯生膿。口未滿者。加白芷。金銀花。入補養血氣藥中。或攻治太峻。則傷中氣而生虛煩。宜加麥冬。五味。倍用人參。或脾胃虛弱。宜參苓朮草以固本。不然。恐生變症。如腎水不足者。早辰宜服六味地黃丸。無使妄動而生虛火。或腎氣虛寒。宜進增損八味地黃丸。以扶命門火。資生元氣。

瘡瘍提綱

大抵外科綱領。重在知氣血。兼參七情調理。須問其未病之先。所喜何事。所爲何因。喜食何味。致今日所苦之源。方免實實虛虛之禍矣。

問曰。寸口脉微而澁。法當亡血。若汗出。設不出汗者。云何。答曰。若身有瘡。被刀器所傷。亡血故也。浸淫瘡。從口起。流向四支者。可治。從四支流來入口者。不可治。

經 胱 膀 陽 太 足 (申)



此水經絡... 重五... 咳... 血... 兼... 冬... 十... 計... 臨... 聖... 氏... 問... 其...

此水經絡... 重五... 咳... 血... 兼... 冬... 十... 計... 臨... 聖... 氏... 問... 其... 此水經絡... 重五... 咳... 血... 兼... 冬... 十... 計... 臨... 聖... 氏... 問... 其...

醫... 身... 要...

此水經絡... 重五... 咳... 血... 兼... 冬... 十... 計... 臨... 聖... 氏... 問... 其...

足太陽膀胱經

足太陽經由眼大角循額上髮際入絡腦下項循肩
膊內挾脊抵腰中過膝腠以下貫膈內出外踝之後
循京骨至足小指外側之端此經係諸經之綱領衆
臟之川原內之有形者莫不係於背故十二經之陽
著於此患毒者惡極變異死生關係以此經太陽主
司邪氣難入也因本經不足則標邪湊之况是經多
血少氣若陰逆則陽失其宣化之令血氣凝結閉塞

清道而氣血不能止復歸源著而成毒因而下焦腎
肝不足結爲下搭中焦脾胃兼虛結爲上搭上焦心
肺不足結爲對口枕癰夫陰勝於陽者發爲癰腫爲
可生陽虛陰弱者結爲疽陷而不起不知疼痛內症
不覺口微乾而煩者爲難起患癰者宜宣陽救陰養
水以滅火無使毒陷內攻五臟患疽者宜救陽歸陰
使毒熖發無使毒陷害於元神方可免死

下搭背主方

白芍 三錢 熟地 枳殼 木瓜 各二錢 貝母 五錢 牛膝

黃栢 各一錢 山查 一兩 長流水三盞先將貝母山查枳

殼煮四五沸再入衆藥合煎至一鍾饑時熱服。

上搭背方

白芍 白木 貝母 各五錢 長流水煎食遠熱服初

起時宜日夜進二服

對口枕癰主方

貝母 二兩 木香 一兩 長流水煎不拘時服。

經腎陰少足(酉)



舌下重舌

中行正發痰即與腎經同法

俞府穴

氣口便毒

瘰癧

涌泉穴

足少陰腎經

足少陰經。從脚底心湧泉穴起。循內踝之後。上膈內。出脘內廉。上股內後廉。貫脊屬腎絡膀胱。上貫肝膈。入肺中。循喉嚨。挾舌本。是經多氣少血。主司生化之源。因浸淫縱慾。邪火抑鬱。燥熱而患毒。法當活血通經。清肝潤燥。不可攻毒以傷陰。蓋陰傷則毒愈結。留滯而不去。變症多矣。凡魚口便毒後而成癰瘡者。多由此也。其或毒留咽喉。則終身遺害。可不慎與。喉

癰本於腎熱。法當清腎以瀉心火。經云。諸瘡瘍皆屬心火。宜服後方。

玄參

天冬

各二錢

枳殼

一錢五分

山查

五錢

貝母

知母

各三錢

長流水煎。隨便徐服。

吹藥方

薑蚕

十尾燒存性

雄黃

硃砂

各八分

秋石

五錢

冰片

一分

薄荷

三錢

滑石

二錢

真血竭

兒茶

硼砂

各一錢

俱末。

下午吹入患處。

便毒魚口。或治以攻毒之劑。倖而獲効。其害人實甚。殊不知此為淫邪中於陰分。名為陰結。法當破陰以行陽。使陽得令則解矣。宜服後方。

山查

五錢

歸尾

三錢

川芎

枳殼

各一錢

生地

白芍

檳榔

木瓜

貝母

黃栢

知母

各二錢

牛膝

一錢

五河水煎食遠服日進二服

如他醫治過瘡口不收。用甘草湯溫洗過。將赤砂糖敷。日夜換三次。即收口。

重舌 將前吹藥點宜服後方

山查

生地

各三錢

陳皮

甘草

各一錢

黃連

一錢半

水

煎隨時徐服

癰瘡○由腎虛濕熱所致每早空心服六味地黃丸。

加肉桂一兩。

膏藥方

建猪骨髓

一兩

輕粉

七錢

乳香

松香

雄黃

血竭

各二錢

硃砂

石龍骨


各一錢

炒甘石

三黃水煨過三錢

香油

一兩
五錢
黃蠟
錢四
鎔化和前藥勻成膏攤貼



平
金
花
山
五
七
金
木
三
二

貝
母
白
芍
天
冬
麥
冬
丹
皮

氣
血
之
劑
以
宜
和
之
宋
本
製
初

心
用
而
滋
養
法
當
通
經
理
氣
和
血
戒
煙

脈
中
指
之
端
中
中
穴
止
是
經
參
血
少
氣
王
司
化
生
陰

辨
厥
陰
由
乳
後
天
池
上
大
腹
對
臍
內
下
肘
中
入
掌

辨
厥
陰
由
乳
後
天
池
上
大
腹
對
臍
內
下
肘
中
入
掌

辨
厥
陰
由
乳
後
天
池
上
大
腹
對
臍
內
下
肘
中
入
掌

經絡胞心陰厥手(戊)



手厥陰胞絡經

手厥陰由乳後天池穴起上腋循臍內下肘中入掌
出中指之端中冲穴止是經多血少氣主司化生陰
血因煩勞憂鬱而成毒法當通經理氣和血戒傷損
血氣用清化之劑以宣和之當服後方

貝母

白芍

天冬

麥冬

枳殼

丹皮

各二錢

金銀花

山查

各五錢

先將金銀花用水三碗煎二

碗方入衆藥煎一碗服

手少陽三焦經

手少陽經由小指次指起循手表腕上貫肘上肩入
缺盆布臚中上項繫耳後出耳前下頰至項是經多
氣少血主司諸陽因表裏失於叅和妄想失意三陽
火動無所止息致煩熱拂鬱而生毒法當宣調陽火
使陽復陰行統諸陽而運陰則自解已若妄投敗毒
之藥過傷中清之令而敗其血脈必變生雜病矣
結核瘤氣由三焦之陽氣不清則陰水不及故陽氣

鬱結而為核為瘤。初宜灸關冲陽池二穴以絕其根。外貼琥珀干槌膏。空心服六味丸以取充任三焦之水。使水足則經絡自清。氣道自暢。兼服平肝救金水之劑。使少陽得令。宜服後方。

天冬

麥冬

川芎

各一錢

當歸

七分

白芍

貝母

桑皮

各二錢

生地

山查

各三錢

枳殼

一錢五分

長流水煎

食遠熱服

經 膽 陽 少 足 (子)

足少陽膽經



足少陽經。由眼小角外起。上抵頭角。下耳後。循頸至肩。上入缺盆。以下胸中。過季脇。以下合脾厭中。以下循脾陽出膝外廉。直下抵絕骨。出外踝之前。是經多氣少血。主司決斷。由真陽失令。狐疑不決。以致陽火抑鬱。耗燦陰液。留結而爲癰癧。法當補陰以舒陽。使陽氣振。則經絡宣行而解矣。

此經與手經同治法。蓋膽與三焦二經。不從標本而從乎中治者。以二經皆由相火之所司故也。

足厥陰肝經 (丑)

足厥陰肝經



醫經集要

二十九

卷之九

足厥陰經由足大姆指大敦穴起。上內踝循膝關內廉。上循股陰。還繞陰器。抵小腹斜上季脇。抵乳下期門穴。是經多血少氣。主司將軍。又爲陰盡之處。或因暴怒抑鬱。逆則陽無所施。而陰失所宣。運血凝氣滯。而毒生。法當活血破氣開結。若攻毒太過。恐陰盡之處難收功也。

主方○山查

白芍

各五錢

肉桂

一錢

木瓜

牛膝

各三錢

枳殼

二錢

先將甘草節五錢煎湯三大盞。後入衆藥。

經 肺 陰 太 手 (寅)

煎一盞服



手太陰肺經

手太陰經起於中焦循胃口上膈橫出脇下循臑內
下肘中入寸口上魚際出大指之端是經多氣少血
主司相傳其體陰而用陽因憂疑不樂以致氣滯血
結則肺胃不冲留結為毒當舒陽和血養肺助胃

主方

白芷 炙甘草節

各二錢

桂枝

金銀花

各三錢

白芍

木香

各五錢

長流水煎食後服

手陽明大腸經

手陽明經起大指次指之端。循指上廉。出合谷兩骨之間。循臂上廉。入肘外廉。上肩出髃骨之前廉。下入缺盆。上頸貫頰。入下齒中。還出挾口。是經多氣多血。主司傳送。因過食辛熱厚味。有傷脾肺成毒。當清利滋融。宣通氣血。蓋大腸本燥。金之化屬庚。然與乙木相合。得肝血以潤之。諸毒自解。初起宜服四物冲和湯。下午將茶化下琥珀丸。使內清則外自解。如他醫

以毒藥攻傷則胃氣弱而正氣虛急宜理胃生陰服
後方。

石菖蒲

扁豆

各五錢

白朮

貝母

生地

白芍

各三錢

薏仁

麥冬

各二錢

甘草

一錢

將菖蒲用水三盞

煎二盞後入衆藥煎一盞隨便服。

經胃明陽足〔辰〕




足陽明胃經

足陽明經起於鼻之交頰中。下入上齒中。還出挾口。循頤出大迎。前下人迎。循喉嚨。從缺盆。下乳內廉。入氣街中。以下髀關。抵伏兔。下膝臑。循脛外廉。下足跗。入中指間。是經多血多氣。主司水穀之海。蓋陽明藉甲膽之氣而宣化。若憂怒傷陽。則陰無所化。濁氣壅結。而生痰核乳癰等症。當破氣活血。散邪開鬱。治法與手經同。

經 脾 陰 太 足 (巳)

足太陰脾經



足太陰經起於足大指之端。循指內側白肉際過核骨。從上內踝前廉。循脛骨上。膝股內前廉。入腹上脘。挾咽連舌本。是經多氣少血。主司運化。因憂思抑鬱。不得其志。久則伏於肉骨之間。名曰陰毒。當溫骨則肉和。肉和則毒化。若妄攻之。則傷胃損脾。恐成冷漏。

主方

石菖蒲

貝母

各一兩

肉桂

牛膝

各三錢

木瓜

白芍

各五錢

長流水煎日進二服

經 心 陰 少 手 (午)



凡太淵... 大計... 內... 白肉... 滋... 經... 心... 陰... 少... 手... (午)

小... 具... 本... 木...

三... 卷...

手少陰心經

手少陰經從心系上肺下出腋循臑內後廉下肘循臂內後廉入掌內後廉至小指內側是經少血多氣。主司神明。因人游思妄想。志意不遂。致傷陽神而患毒經。曰諸病瘡瘍皆屬心火。此一經應十二經之變化。然因本經受病為實邪。如從他經傳症為虛邪。宜救腎水以奉養心火。使其無變。尤須臨機救應。

主方○黃連

酒洗

甘草

炙各三錢

白芍

一兩

貝母

五錢

水煎熱服

經 腸 小 陽 太 手 (未)



手少陰心經

Background text (faded): 有木以奉交心... 然因本營受... 其其其受... 心經... 孤... 宜... 患... 血... 底... 前... 內... 對... 氣... 不... 根... 前...

手太陽小腸經

手太陽經由手小指外側起。上腕循臂骨。下廉出肘
內側兩筋之間。上肩胛入缺盆。循頸上頰入耳中。是
經多血少氣。主司受盛。屬丙爲陽火。而丙辛又化水。
水火失調。則不能變化而毒成。當宣通清解。

主方

山查

二兩

貝母

白芍

各一兩

長流水煎熱服

附神効膏藥三種

琥珀干槌膏

草麻肉

兩四

真爪兒血竭

真乳香

沒藥

松香

各二兩

硃砂

兒茶

各一兩

蟾酥

人乳酒浸開

硃砂

各五錢

冰片

三錢輕粉

八錢

麝香

二錢

先將草麻搗爛。次入松香

搗次入蟾酥同搗。七百下。再入衆藥末。搗千下。將

磁器收貯。黃蠟封固。以酒煮化。青絹攤貼患處。未

成膿者即消。

收口神異膏

新鮮犍猪油入白蠟四冰片兩麝香各一沒藥錢半

血竭 海螵蛸 兒茶 輕粉 象皮 赤石脂

各五錢俱末。先將猪油熬去渣淨。再熬滴水成珠。入

蠟熬化。傾磁瓶內。稍冷定。入前藥末和勻。連瓶入鍋水煮片時。取起攤用。

萬金膏

黃丹三十兩真降香 沉香 檀香 麝香
製同前

乳香各三錢真麻油四觔。金銀花二觔。俱入鍋內熬

枯。濾去渣。再熬滴水成珠。入人參四兩。文火熬數沸。漸下丹。待成膏時。稍冷定。入前藥末和勻。將磁瓶收貯封固。此膏治背瘡諸大毒。收口神應。

收口靈藥方

鉛粉

舊銷銀確煨紅去墜底粉

輕粉

白蠟

珍珠

爐甘石

煨紅用童便便碎黃芩黃

各一錢水片

三分

寒水石

銀確

栢黃連湯共煨三次

煨紅瓦蓋防

海螵硝

河水浸去鹹味

白螺灰

即土壻上小螺殼洗淨

爆先研細末

去泥

炒灰 各二錢共成末確貯聽用

萬聖乳金散

粉霜

飛過升打三次

真輕粉

石粉

即禹餘糧粉各一兩

蟻螂

一箇酒洗

炙燥存性

龍腦

三錢

俱末。先將猪蹄湯用竹紙抹去油。加

川椒三錢。葱五根。食鹽二錢。全煎數沸。淋洗患處

拭乾。將藥末掃上。外用萬金膏護貼。

溫分融陰湯

治毒初起痛甚增寒壯熱

白芍

八錢生用

能收陰氣以宣行陽道。應金得水以應

土。

肉桂

三錢

凡用白芍必用桂。能溫分肉行陰從

陽。又接引少陽。應陽明肌肉以通瘀壅。白芷 三錢

入陽明經。為引經聖藥。得此辛者。伏腐臭以化為

神光。如瘦人或中氣不足者。加紅棗十枚。通經絡

以助中氣。而勝外邪。長流水煎。半饑半飽時熱服。

衝陽宣陰從化湯 胃氣壯者宜此。胃氣弱者宜前方。加人參三錢。

貝母 四兩用長流水五碗煎湯三碗去貝母入。後藥煎至一大盞入無灰好酒一杯和服。 白

芷 山查 白芍 各五錢 淮生地 八錢 臨服時磨真廣

木香一錢和服

從陰溫髓湯 治陰疽

人參一兩 白芍八錢 肉桂三錢 熟地五錢 附子輕則一錢 重則三錢 水

煎不拘時熱服善飲者加酒半盞以助藥力

癰疽兼外感內傷

凡患惡毒或已潰未收口又外冒風寒及傷飲食致

發熱頭疼腹痛等症此因先虛其本而後致其標宜

照婦產後法治先保氣血毋使妄動觸犯本毒宜服

後方

養榮保化調中湯

丹皮

山查

白芍

各三錢

生地

二錢半

氣弱加人參

二錢

血虛加熟地

二錢

天冬

去心一錢半

長流水煎。食遠熱

服。如服後熱退身涼。連日用補托法。如未退再服前劑。必待熱退為止。戒換方。

患毒兼泄瀉者。宜理氣以健脾。使氣旺善食。乃生膿長肌。或頭眩暈赤。亦宜服此藥。由脾氣不足。致精血少生故也。

溫中消毒托裏湯

人參微炒 白扁豆炒去殼 甘草炙入 雲朮土炒 石斛鹽水

洗飯 白芍煨各 白芷二錢 砂仁研七 如腹疼加山查

上蒸 三錢 一水煎食前熱服

患毒不論已未收口。如陰虛火動。宜扶三焦之源水。

以生胃氣。服後方。

益陰養榮湯

人參 淮熟地各三錢 天冬 麥冬各錢半 丹皮 生

地 各二錢 肉桂 一錢 水煎食遠熱服

腫毒由積鬱而成。無論已未收口。宜服後方。

益陰冲和湯

人參 生地 各五錢 石菖蒲 山查 白芍 各三錢 長

流水煎。加酒一盃。食遠熱服。

高年患毒。由陽衰血弱。精水不足。宜服後方。

八味地黃湯

人參 三錢 白芍 熟地 附子 各二錢 白茯苓 肉桂

山藥

各一錢

當歸

半一錢

水煎食遠熱服

患毒由胃弱脾虛勞役過度宜後湯調理兼腎虛者

空心服六味丸

補中益氣湯

方見勞傷門

血虛者加蒸晒熟地

二錢

肉桂

五分

患在下部及脚軟者加牛膝肉錢半長流水紅棗

煎食遠熱服夏月加麥冬錢半五味子五分陰火

動者加炒黃柏八分

憂慮過度而患毒宜服歸脾湯

方見勞傷門

胃氣弱食少。中虛而患毒。與諸毒不同。他毒由胃氣壯。雜食過度。故毒甚。若因氣弱血滯而來。其症輕。但人不勝任而覺重。宜培養胃氣。使之善思肉食。其痛乃止。已成易膿。未成易消。宜服後方。

加味四君子湯

雲木

炒五錢

人參

黃芪

各三錢

炙甘草節

人石斛

二錢

牛

白芷

一錢半

扁豆

炒去殼

白芍

酒炒各二錢

棗水煎晝夜

頻頻熱服

腫毒未收口暴怒致瘡裂痛甚急平肝養血服

平肝養衛湯

白芍

五錢

麥冬

二錢

肉桂

一錢

白芷

熟地

丹皮

各二錢

歸身

半錢

氣虛者加人參三錢長流水煎不拘時熱

服

益陰扶陽湯

治夢泄遺致瘡潰不收口

枸杞

五錢

白芍

白朮

熟地

人參

各三錢

長流水

大棗煎食遠熱服

疔瘡

疔瘡初生或腫或陷青黃赤黑無定色煩躁悶絕嘔吐惡心或先痒後痛或先寒後熱熱後復寒四肢沉重心驚眼花刺瘡口不痛無血是其候也生兩足者有紅絲至臍生兩手者有紅絲至心生唇面者有紅絲至喉須用針挑破其絲使出惡血隨用拔疔膏貼瘡上服清心消毒至寶丹切禁火炙仍察表裏虛實上下用藥脉浮數者宜散之脉沉實者宜疎利之表

裏俱實者。解表攻裏。麻木不痛。與大痛者。速治。須於
四畔刺出惡血。生下部者尤宜。蓋至陰之下。道遠位
僻。藥力難到。若用峻劑。恐藥力未到。胃氣先傷。故宜
出血也。

拔疔膏

西牛黃 三分 大白珍珠 七分 金頂砒 腐製 真蟾酥 乳浸

明雄黃 各一錢 大硃砂 白鵬砂 騰黃 各八分 番礪

砂 五分 血竭 滴乳香 各四錢 沒藥 二錢 輕粉 兒茶 各三

錢俱末用草麻仁共搗成膏密貯聽用如日久藥乾用草麻油潤每遇疔瘡約其瘡形大小以一餅貼過日更換其疔即出

清心消毒丹

滴乳香

四錢

明雄黃

沒藥

琥珀

各三錢

菜豆粉

川貝母

去心各一兩

礪砂

二錢

血竭

大硃砂

明礬

阿膠

蛤粉炒成珠各五錢

共末每服二錢甘菊十斤金銀花

各五錢煎湯下毒輕者日一服毒重者日二服

追毒丸 治疗毒陰疽等重症

蟻螂百枚。燒酒浸二時。取起。以童便煮一滾。用土包。煨末。聽用。真蟾酥九錢。去木骨淨。燒酒浸一宿。待溶軟。用前蟻末三錢。與酥和勻。分爲五分。先將一分。捏作餅。火煨存性。研碎。又以一分作餅。再煨。再研。如此五次。完。蜈蚣去頭足炒枯。二分。雄黃一錢。俱末。與前藥末和勻。聽用。凡用麝香一分。和勻。前末五分。以甘草膏爲丸。胡椒大。飛過硃砂爲衣。

大人五六丸。小兒三四丸。毒在上部。酒下。在下部。白湯下。毒輕者。服藥卽嘔或瀉。可減一丸。重者。服藥不嘔瀉。再加一二丸。量人大小。虛實用之。忌羊

肉。

此方臨用爲丸。見効尤速。若丸久藥乾。則難化而効緩矣。

甘草膏。○甘草節四兩。水三碗。煎一碗。濾汁。辨貯。

再以水二碗。煎一碗。濾汁。再入水一碗。煎半碗。濾汁。淀清。去渾脚。再熬至一小碗。以赤砂糖色爲度。如嫩再晒。

煎藥方

甘菊花

川貝母

金銀花

各二錢

半枝蓮

一錢

赤

芍

選翹

地丁

生甘草

天花粉

乳香

各一

錢

皂角刺

玄參

薄荷

歸尾

柴胡

白芷

各八分

水煎照病上下服

針刺瘡出血。冷水調東丹明礬等分敷。

流注

流注之源。或因憂思鬱怒。虧損肝病。或因飢飽勞役。

復傷氣血。致榮氣不從。逆於肉理。腠理不密。外邪客之。亦有濕痰。及跌撲血滯。因而氣流而注。血注而凝。或生四肢關節。或流胸腹腰臀。或結塊。或漫腫。皆屬虛損。若腫起作痛。肢體倦怠。病氣有餘。形氣不足。尚可治。漫腫微痛。形氣病氣俱不足。最難治。總宜十全大補。八珍。歸脾。補中益氣。六君。諸湯。加減。忌攻利之藥。使元氣愈弱。

敷藥方

五倍子

五兩 炒

陳小粉

四兩 炒

乳香

沒藥

血竭

各一

兩

雄黃

輕粉

各五錢

其末葱汁加醋調敷

煎藥方

人參

三錢

黃芪

炒

木瓜

肉桂

歸身

杜仲

炒各一錢

白朮

土炒

貝母

山藥

金銀花

各二錢

木香

白芷

砂仁

炒研

甘草

乳香

陳皮

各八分

煨薑棗水煎服

病上下服

懸癰

屬任督二經。此處名海底穴。又名會陰穴。乃真氣過
脉處。或入房。恐精不洩。或用房術藥。霸截精道。或用
力入房。致傷元氣。氣弱不行。以致邪氣乘虛而入。結
毒於此。務貴速消。若破損出膿。最難收斂。久則成漏。
元氣到此。則洩必成虛損。始終俱用參芪滋補。切戒
攻毒。

服藥方

沉香

磨

陳皮

黃芪

炒

白芷

玄參

丹皮

肉

桂

茯苓

乳香

各人分

人參

山藥

炒

杜仲

炒

白

木

土炒各二錢

甘草

五分

金銀花

一錢

煨薑水煎服

敷藥全前

乳岩

屬肝脾二經鬱怒氣血虧損故初起小核結於乳內肉色如故內熱夜熱五心煩熱肢體倦怠婦人則月經不調加味逍遙散効瓜萸散多自消散若日積月久其核漸大色赤出水腐潰深洞如岩穴狀歸脾湯

及多用參可治。若悞用攻伐。危殆立至。

未潰服藥方

人參

二錢

白朮

半一錢

木香

橘紅

乳香

茯苓

白芷

各八分

川貝母

當歸

各一錢

甘草

五分

加圓眼煎

食後服

已潰服藥方

人參

三錢

五味子

三分

黃芪

一錢

山藥

炒

白朮

上炒各二錢

蓮子

廿粒去心

山茱萸

神麴

炒

茯苓

麥冬

各八分

甘草五分加棗煎食後服 敷藥同流注

已破滲藥方

硃砂四錢 血竭 乳香 黃魚腦骨各一兩 輕粉八錢

真降香六錢 紫河車 琥珀 珍珠各五錢 龍骨二錢

半版存性 共末人參二兩煎濃膏和諸藥調勻爆乾再

研細末搽

香白芷 川貝母各五錢 水酒各一碗煎八分溫服

如有膿即從乳孔出硬腫即潰潰後用貝母末搽

易完口。

腸癰

病腸癰者。身體甲錯。腹皮急。按之濡。如腫狀。小腹腫。按則痛。小便數如淋。時發熱自汗。復惡寒。其脉遲緊。膿未成。下之。當有血。脉洪數者。膿已成。不可下。服後

湯。

葵根湯。腸癰已未成俱効。

葵根

兩

陳皮

皂刺

各二錢

金銀花

甘草節

各三錢

薑水煎服

眼

一人眼痛。大便難解。服大黃八兩。眼微退。便漸濇。或
閉。調理二月。舌口燥。內熱煩悶。腰如火燒。胸膈痛。一
日一吐。諸藥不愈。發熱自汗。五月後復邀治。曰。此內
傷不足症。再用寒涼必死。病者曰。吾乃火也。又遲數
月初。用保元湯。加附子。乾薑。肉桂。白朮。當歸。四劑。後
汗將至。五劑而身微疏暢。至三十劑。用三斤半。大便

順身熱退而怕寒。後更加鹿茸。服叁二斤。來年六月。仍不能去綿衣被。後服附子八十。桂薑鹿角膠各十斤。乃愈。

洗各種眼病

川黃連

三分

杏仁

三粒
去油

輕粉

五厘

歸尾

一分

明礬

三厘

共入

磁器內。以天水一茶盃。煎至大半盃。用綿紙蓋隔。

取紙上清水醮洗。并挑入眼頭角內。閉目片時。其

苦水從鼻中流出。紅減腫消。昏者即明。

治火眼

童便調乾黃泥。臨睡時敷上下眼皮。三次愈。

火丹

芒硝入黃瓜肚。置磁器內。入地中。月餘。盡化爲水。以水搽患處。

耳內生膿及耳漏

五倍子燒存性。少加麝香。共末。吹之。

蛇咬

急飲好醋二碗。令毒氣不隨血走。或清油亦可。

臘月初一。取雄猪膽八箇。倒出膽汁。將透明雄黃一兩。研末。麝香一分。青黛二分。和勻。仍灌膽內。線扎頭。懸透風處陰乾。每服六厘。六厘敷患處。俱清水調止。用藥不用膽。

疔瘡

降香燒灰一錢半。人中白。黃連水煨二錢。輕粉。水片各五分。甘草湯洗淨。上藥愈。

喉哦

壁喜窠十八箇。燒存性。冰片五厘。俱末。鵝毛管吹入鼻。哦右吹左。哦左吹右。

臘梨

松香三兩。花椒一兩半。明礬五錢。俱末。用青布剪作長條三寸許。盤前藥縫好。浸真麻油四兩內。一晝夜。取出。燈上燒通。油滴碗內。露一宿。聽用。將米泔和花椒礬葱頭煎四沸。洗頭。待冷。將前油擦。

約搽五日愈。剃髮數日後。瘡當復痒。再發仍復洗搽。永不發。

下部痠痛方。治大腿上下骨節內疼痛。不能轉動。由勞傷腎氣。及當泄不泄。淫火留滯經絡所致。服此効。

枸杞子

天麻

紅花

五加皮

各一錢半

白蘚皮

牛膝

黃栢

當歸

各二錢

木通

三錢

水煎服

前方分兩十倍。加虎脰骨二兩。好酒炙脆。其末蜜

丸空心淡鹽湯下効。

楊梅瘡

金銀花

樺皮

做弓用的

透明雄黃

各一兩

照本人量加

酒隔湯煮一炷香飲醉出汗。○水片入大田螺內。

化水點瘡即愈。

土茯苓

四兩

野艾根

二兩

僵蚕

七條要直的

蟬退

頭足全

杏仁

去皮

肥皂仁

皂角子

各七粒

生脂油一兩水十四

碗磁器煎七碗每清晨服二碗午服三碗夜服二

碗連服七日。毒氣全除。毒盛者再七劑。决効。

主... 身... 各... 主... 一... 兩... 木... 十四

... 性... 益... 直... 全... 各... 一... 兩... 木... 十四

... 命... 不... 性... 火... 滯... 經... 絡... 所... 致... 腹

... 煮... 一... 致... 香... 心... 稍... 出... 升... ○... 水... 六... 入... 大... 田... 熟... 內

... 對... 用... 內... 各... 熟... 本... 氣... 量... 味

... 黃... 常... 各... 二... 木... 通... 三... 水... 煎... 服...

... 空... 功... 實... 為... 好... 飲... 膠... 骨... 二... 兩... 好... 酒... 炙... 鹿... 其... 末... 密